



07704



文館詞林卷第四百五十九

碑卅九

百卅九

中書舍人子賓客監國史文館學士孫國尚陽郡開國侯敬宗等奉



都督三

隨李德林秦州都督陸杳碑銘一首

并序

李百藥洛州都督竇軌碑銘一首

并序

荊州都督劉暕碑銘一首

并序

夔州都督黃君漢碑銘一首

并序

都督三

秦州都督陸杳碑銘一首

并序

隨李德林

公諱杳字雲邁清都臨漳人也有

魏及茲門為將相軒冕超於六葉

光於九有曾祖某司空公東郡莊

王美斯餽之和垂台象之耀祖翼

州刺史東郡惠公清猷雅望冠帶

推重父開府儀同三司東郡文宣  
公樹德行道播紳注意公往家河  
洛含章挺生水德不經諸華漸亂  
臣有轉日主或寄坐家家習從橫  
之說人人懷戰爭之圖公執操不  
群早而秀異依道遊藝俎豆而已  
然其屈迹和光卷舒不測異類喜  
其汎愛同道貴其淳誠故雅俗傾  
心聲高天邑魏司空咸陽王坦公  
之舅也釋褐叅其軍每步魏庭如  
暎珠玉元象年中除都督府主簿  
加明威之号轉凌江將軍大將軍  
中兵叅軍所奉之主即文襄皇帝  
此則周武為太子之朝魏文居郎

將之府正已膺正人之選文藝從  
文客之遊武定五年轉太常丞六  
年授尚書左中兵郎仍歷度支金  
部庫部天保初轉倉部文宣公薨  
公孝行昭著特改所居為孝終里  
起兼行臺右丞巡江慰勞時則侯  
景外叛殲蕩金陵自江已北始為國  
有陳霸先鳩集犬羊窺我王略  
公運籌於外往若風行地方數千  
一舉而服七年以太夫人憂去職  
給假十旬起為度支郎又轉都兵  
舍查粉壁年將一紀雖復器用見  
留時論咸以為屈公怡然自得未  
以升降為懷遷成安令帝城之下

舊号難綏齊導有方大弘聲績  
尋授肅宗太丞相府從事中郎  
仍兼并省右丞晉水之陽一相彼  
在霸者之佐知無不為皇建初拜  
給事黃門侍郎冠軍將軍太監  
二年除散騎常侍夕郎顯任垂忽  
官人出納如流見稱臺省北夷猾  
夏往寇太原王師駟逐已出塞表  
防過之理朝議猶切公前後受詔  
北築諸城東西接連亘二千里城  
池作固沙漠無虞詔食永寧縣幹  
加輔國將軍賞勤幹也天統元年除  
銀青光祿大夫領兼太常少卿大  
樂大禮多所刊革勅監庫部營造

軍器智均武庫臧重軍謀事無  
不有才允斯任加驃騎大將軍假  
儀同三司五年出為使持節都督  
東徐州刺史武平三年轉使持節  
都督北徐州諸軍事北徐州刺史此  
二徐也九州之一土風如舊好尚亦  
同斯境之政始行彼地之人已化仁

風和四時之氣德澤兼十日之雨一  
言出口千里俱應夏秋自馴淮淩  
清靖陰陽順序非籍景山之行  
邦國用康弗待休徵之力轉使持  
節都督秦州諸軍事秦州刺史有  
陳狷躡寇我江陰城猶環堵忽被  
圍逼公班條為政始隔時序外隣

即慕其風合境已懷其德既而身  
嬰沉痾大第感人縈帶固於金湯  
愼夫成於貔豹展昏相抗交戰必  
摧淹歷數旬頗有餘力以功賞開  
府儀同三司疇恙積時憂勞致損  
薨於州館春秋五十三遐迹悲傷  
莫不掩泣至是号令無主城府淪  
陷賦徒荷平生之意黎獻念宿  
昔之恩各盡誠節奉送神柩某月  
日殯於故里之第贈使持節都督  
瀛滄安三州諸軍事瀛州刺史尚  
書令將軍如故加等之命以王事  
也除其子玄卿為膳部郎延嗣之  
賞義循古昔年月葬於茲所惟公

氣調清遠神毅明暢至察而能容  
物撻事不傷於道鄙仲舉之少通  
輕奉高之易挹生知在文籍之外  
大學益識悟之高昆季扶踈閨門  
禮讓各垂孝悌之舉俱稱才幹之  
美自在朝行任兼內外竭誠陳力  
利物濟時知幾若神應變如響至  
仁資執義之武深謀有不疑之斷  
上玄冥昧晚遇寇讎若增筭假年  
申其智略豈徒非朝伊夕肅清藩  
部故當吳越平蕩翹足可期忽逢  
殒瘁之哀更長江湖之惡人事不  
幸一至於斯天地不仁何其甚也  
故吏某官姓名等日月逾往懷感

弥至思騰聲實永無窮勒石神  
道紀功旌伐其銘粵

荀該四海素号五公高門盛業時  
異人同愷悌君子降德玄穹行爲  
準的孝極始終袂宗官決文昌禁  
宮移風易俗人代天工京邑俟政  
江徽遐通入敷善績出建奇功宰

朝霸府恒擅芳風瑣門雲閣任寄  
愈隆國之大事其一者戎器拭城  
雉幼勞在躬附輝高潔佩綬青葱  
畫州分宰仁明有融人知恥格時  
皆發蒙陳人違信望我關弓沉疴  
激憤蓋義成雄或拒或戰凶徒屢  
窮嗟乎命也逝水其東圖南落

翻謁北歸豐師霑泣而城入蛟虹  
豺狼得志藩邑俱空生排窳廓死  
困樊籠伊昔邊守贈藥還童蠻夷  
感德禮敬斯崇故鄉送返無待交  
夢哀榮既畢卉木方叢徒傷人吏  
追慕元克

洛州都督賈軌碑銘首

弁序

李百藥

蓋聞補天立極大聖於是勃興政  
亂朝昏名臣以之陳力步驟之跡  
既在經綸之會斯在固雷風通響  
成其化者玄功韶漢錯音應其時  
者人傑公諱軌字士則扶風平陵  
受終若帝之初大略鴻業中興復  
高之績因生命氏廣國追讓之風

聲高外戚安豐功烈之美義正中  
台夏暨皇唐始於盛漢門咸  
靈貺毋儀天下是故昭章圖跡冠  
冕楮紳經文緯武之才照重光於  
百代撞鍾列斲之盛流餘慶於千  
祀十二葉祖統鷹門太守大將  
軍武之從子也武以大功不遂

為閹官所誅統避難亡奔出塞代  
為南部大人威振華夏七葉祖羽  
魏太尉遼東京公屬魏氏中微愍  
攝朝政竭忠貞以安社稷扶幼主  
而令姦雄曾祖略征北大將軍太  
保雍州牧柱國建昌孝公德高禮  
綽蔚為帝師清徹素範坐鎮雅

俗祖熾魏侍中周大宗伯隨太傅  
雍州牧上柱國鄧恭公以蓋俗之  
姿運如神之智道尊三代義盡  
一心父某周大宮伯襄州亳州管  
上柱國鄧國公柱將相之門懷棟  
梁之器位因功顯名以實高公藉  
繁祀之資稟莫靈之祚感白雲而  
諧庶績受璜玉而秘兵鈴幼樹風  
神夙標名節志尚宏遠獨秀人倫  
期管樂於老成望韓彭於兒戲軼  
雲羅於沮澤追電駕於當途隨  
仁壽中以獻皇后挽郎授朝請郎  
遷資陽郡東曹掾苞湘納漢始  
消滄於濫觴蔽日干霄尚峙傾

於霞箕氣憤風雲之際情察天  
人之理石立之祥斯兆土崩之義  
有徵公家即塗山姻連渭汭想白  
狐之度義屬過門望黃鳥之旗  
預欣同德及星毛秦井電奄南郊  
軍次蒲城便杖劔請謁太上皇見  
公大悅言及平生備獻誠款雖廬  
館之出入卧内鄩禹之心宿禁中不  
能過也命公為渭南道大使柘  
撫得以便宜從事取永豐之粟甚  
漢卒之食教倉下華陰諸縣同周  
師之據備武既有宿飽之資仍成  
楛喉之業以功授金紫光祿大夫  
封贊皇縣公又占募英勇五萬餘

人從入京師翊成大業楊州精甲未  
足擬儀薊市耶榆曾何等及兵  
臨九地氣竭百樓以公為東面大  
將于時四夷雲合万里風行彭濮  
比肩樊灌接踵皆出公麾下心預  
偏裨任寄之重罕有其二年城之  
日功實先登進授光祿大夫即上  
柱國也仍除大丞相府諮議叅軍  
事軍諮祭酒此即其人肅府洞開  
首膺高選尋而稽胡侵軼將逼  
近畿公乃推轂專征大破凶黨復  
令公乘勝長驅討薛舉殘猾武  
德元年拜太子詹事惣司之要任  
初宮端才地之華允茲時望尋遷

使持節惣管隴右諸軍事秦州  
刺史帶秦州道行軍元帥秦隴  
形勝控馭遐遠雖地接京畿而人  
多異類西戎即序之地尚餘榛梗  
北狄背義之徒時警烽雉惣以司  
牧寄之分閫事兼文武惟公是屬  
於是翦寇戾以威刑懋風俗以平  
典寬猛相濟化成蕃月某年進  
封鄴國公食邑通前三千戶二年  
以邛夔初平命公持節巡省以爲  
隴蜀道安撫大使三年拜益州道  
行臺尚書左僕射掇跡文昌儀  
刑端右此之舉也特異常倫仍以  
行臺兵徙平伊洛然神旗所指事

初來蘇菑牧之勞尚資心力公震  
惟懼之內在行陣之間運籌執銳  
功冠諸部四年平王克擒實建德  
仍陪旌節獻捷京師凱樂之辰五  
將同列九師居首是惟

聖上榮寵之盛今古未聞七年廢  
行臺省仍權檢校及益州大都督  
九年朝廷大論義旗已來有大功  
於王室者並食真邑公於是別賜  
益州封戶書社六百家貞觀初拜  
使持節大都督益綿嘉邛陵雅  
簡眉八州雋南會靈三都諸軍  
事益州刺史公自杖節華陽綿  
廕時序懷荒撫衆之勤定筮存

邛之効固以夜郎款檄昆弥率俾  
非假諭蜀之文靈勞度瀘之役俘  
馘之衆每獻廟廷實賦土多充仞  
王府殉公益國不可勝言自秦昭  
平蜀歷茲永久或班祿荆舉或部  
符共化竊比明德彼用多慙王襄  
樂職之篇蓋為小枝王尊叱馭之

舉非曰大忠文翁之脩學校纔方  
進誘李冰之覽江神多慙義烈自  
餘眇小夫何足言尋入為右衛大  
將軍加左光祿大夫文昌上冊列位  
天連軒禁鈎陳擬儀震象惟公居  
之隱如敵國二年拜使持節行都督  
洛鄆伊懷四州諸軍事洛州刺史左

光祿大夫如故陰陽交會之所山川  
作固之都先王以之卜食

今上於焉分陝居此地也寔簡帝  
心公道在公平義惟正直開物闡  
化急病讓夷訓五方繁雜之眊化  
三川機巧之俗源清流潔風行草  
偃四年以疾薨於館舍春秋若干

五年葬於某所蓋曰某公禮也惟  
公始於立身終於行道操履端  
肅志尚清明未為顯晦易情不以  
風霜變節神用成九德之基天  
經為百行之本早升庠序遍觀  
流略既韞從橫之志便輕俎豆之  
容數為梁甫之吟每動崇上之膺

王潛閣卷軒蓋有期陳蕃虛室  
閑居未掃觀象察變窮數知來  
嘗觀赤伏之符且識黃神之命  
屬唐郊授手大濟生靈匪心姻  
連帝家固以才膺王佐潛德之友  
本以鷄酒相期利見之辰還成魚  
水相得言行計用未藉三略之書  
戰勝攻取自有萬夫之敵故能動合  
神心畢符冥契收鯨鯢若摧朽拉  
犀象如拾遺權節臨藩捍城之  
道斯極分麾鞠旅方面之績居  
多功若丘山屢形中盲心如金石且  
降王言而臨軍用兵莅官行政以  
為不言之教藉震曜以為威大道

既乘非仁慈之可化純以儒術漢  
帝謂之亂家先以刑書鄭相以之  
理國中興之道云盛遺愛之德猶  
存是以奉之以律令申之以擯楚侯  
嚴霜而厲威則飄風以疾惡至  
於舊交密戚稱行直道雖苟晞  
之忍對從母蘇章之暫禮故人無  
以喻也亦由至察共簡易相背強  
斷與陷直相成故醜正之徒或傳  
謗盜憎之訟時聞

旒宸爰自貞觀俗易時移太平  
之化伊始刑措之風愈洽公望表  
知裏在變能通協聖

主之心遵上皇之始導德齊禮有

恥且格自非惟幾以成務其能與  
於是乎其誥慎守道厲精勤事  
求之古人未易遇也固以重南容  
之三復惜陶侃之分陰及遘疾弥  
留至於大漸每發中使屢遣太  
醫內問至京廢朝輒悼

詔葬之儀以極昭贈之制有加  
夫立德計功垂範貽則可以銘  
太常而書王府鏤金石而被管絃  
在當年而無媿應永代而不朽者  
惟公乎故吏某官姓名等想生氣其  
猶存痛徽音之永謝式昭盛業樹  
碑神道嗣子某等克構丕基早  
標令譽怵惕霜露欲報之志無

從匍匐几筵誅德之情斯切銜哀  
見託乃述銘曰

炎光浸隱命歷斯窮泊天塞霧  
振海飛風

皇靈膺錄大濟神功龍興晉野  
電照秦中灼灼英武人之先覺才  
應時頂神生靈岳始離縲祿將遊

黷學已寤淙沉俄觀卓犖乘機  
去亂杖義來蘇凋戈振旅玉帳  
陳謨將屠涿鹿且塞飛狐情淙  
寂郤慶叶微盧既入高郊仍開軹  
道高邑攀鱗靈壇薦寶每奉王  
命通行天討拾益如遺僊秦猶  
草水闢王城神開伊闕策預玄

女功叅黃鉞告廟飲至循猶稱  
伐一廟等夷芬芳無歌河洛帝里  
岷峨襟帶畢綜樞機常司要害  
始遇天造終逢時泰間以聿矜動  
攝羣會南山獻壽北里呈祥將  
陪東狩遽落西光羣物不殀彼  
獨殲良哀鐘土庶痛結身蒼冥漢  
人理生平華屋初咲後弭始哥終  
史馬齊鍾斷歲蕤簡牘方託辰  
精徒嗟梁木

荊州都督劉驥碑銘一首

并序

李百藥

昔西都佐命罕聞風烈之餘東漢切  
臣鮮預公卿之任以帝王之冑隨騰嘯  
之舉出居侯伯之重入震丹青之地樹

鴻勳於草昧敷文教於彝倫見於  
武陵劉公者矣公諱贍字道洽彭  
城綏輿里人也今僑居毫州之麻邑  
縣自彤雲啓命光宅域中繁析之  
祗無窮克昌之道斯盛固以分華  
若木疏汎咸池泰辰極以高驤振  
江河以長邁曾祖方譽魏長社縣  
令祖英信潁川太守譬仲弓之和道  
下邑慶屬後昆即知侯之布政近  
畿福流京縣父玄寤州主簿得性  
一止忘懷三徑始遊塵俗終逸江  
海公藉慶承寵含和稟秀長虹  
吐閨奔電增暉靈府之中高懸明  
月姿儀之表近照澄流爰自幼年

遠標風尚始遊壘塾聞或露於九  
臯將駟康衢躡遺風於千里言徒  
實貢利用王達雖禮秩未弘而聲  
猷藉甚自永州行佐徵授雍州萬  
年縣丞隨大業之末頗攝行華  
陰鄭涇陽盤屋三原武功諸縣事  
是時賦重役煩政荒人散歷試諸  
縣盖有由焉考績獨高優陟宜遠  
勅除太原縣長神惟改天將悔  
禍獨夫之怨既深撫我之情逾切  
公仰觀垂象俯慨橫流哀時命之  
未申痛人靈之孔棘方成縱壑之  
資自感登山之夢盡變通之術進  
從橫之圖運翰略於樞機煽風雲

於懷抱義旗初建授正議大夫太  
上皇開大將軍府以公為諮議參軍  
事斯固公達軍諮之地奉孝成  
大業之辰豈止孫盛賀循從容府  
朝而已

聖上別摠輕銳出定西河合公權  
攝行軍長史西河平進授銀青光  
祿大夫仍留公檢校西河都通守  
得以便宜從事仍令催督軍糧招  
集土馬吳起作守未固河山干木  
遺風猶多節槩公導之以期運示  
之以幾微於是投袂爭先贏糧景  
從非期而會不下万人武德元年以  
西河為浩州授公刺史九月進位大

將軍封武陵郡開國公食邑二千  
戶西河始屬亂離人情未一自公安  
撫咸悅來蘇歎賦劉武周閭左叛  
徒挺禍汾晉雖謳歌有奉而窮奇  
赤草同惡相濟醜類寔繁連結百  
城從橫千里駢犂犬羊盡銳攻逼  
重以并州失守人情惶懼雲梯地道  
氣盡百樓亭委易子糧無半將公  
懷此精誠厲斯忠義非唯舉刃指  
虜重圍洞開足使拔劍揮泉飛流  
自湧士感恩惠以死為期或刎頸自  
明或焚妻取信諸將敗衄多見奔  
投因公獲濟則有人矣孤城絕援  
錦曆三年內安外拒心力俱竭聖上

掃清虜祲方得保全進位上柱國仍  
除太府卿以旌功伐也公貞固以濟時  
清明以膺務理繁而不紊震剡而  
行簡氣序纔移大標聲譽五年  
拜襄州道行臺兵部尚書仍持節  
山南道巡撫大使戎事之大分職文  
昌旌節所履載光原隰又以本官  
檢校襄州都督襄州刺史尋除司  
農卿帝命四子敬授人時農曰八  
政寔惟國本選衆而舉能官攸屬  
倉廩既實禮教斯和八年以趙王為  
安州大都督又以本官檢校安州大  
都督府長史又權檢校荊州大都  
督府長史其年又檢校襄州都督貞

觀二年又檢授荊州都督五年

詔除使持節都督荊硤岳朗澧東  
松六州諸軍事荊州刺史周稱元命  
作伯漢去六條判舉分職設官輕  
重或異導禮齊德損益同歸昔  
杜元凱以經國宏才惣司南服爰  
自樊漢遷督荆郢以今望古比跡為  
鄰其撫有蠻夷加宣王化豈擇沮  
漳之令典將盡周邵之遺風焉而黃  
亮之道未申天壽之期俄畢促生靈  
於厚夕掩昭代於重泉以年月日薨  
於府舍春秋若干粵以其年月日  
葬於某所謚曰某公禮也惟公風  
力宏遠英姿秀發少多大志卓犖

不群圖鶴列於撫塵肆龍吟於狹  
室陳平間卷車馬每遊王濬門  
遑播旗斯在時有未遇道或可懷  
屈壯志於膠序挫雄心於俎豆俯  
仰之節自合威儀造次之間動成  
規矩文籍滿腹曾無踏駁之譏珪  
璋閔色寧有多藏之患以義利人  
以仁求己貴不易交貧而好施願  
惟百行深懼四知廉足激貪儉多  
逾禮霜霰澱而莫改風雨晦而不  
息始見漸陸之姿俄縱垂天之羽  
附日月而起沛遑履玄黃而翦商  
邑霜朝諷諫豈止中涓之勤河西  
守禦寧唯冀城之固每登九列任  
隆望重高

子先子身子之青名臣之才中

農政愛司玉府叶贊九功兼資億庚

惟彼荆衡在固在鎮形勝所屬道風

逾峻江漢澄清琨璠比閩黃閣未

畧丹雲貽贖庸矣國楨傷我梁木

捐耒釋耜塗吟巷央鄂故墟江山

極目清暉素範蘭芬桂馥藩牧

察采友執通賢共懷遺愛同嗟小

年至情枯柏大署開阡豐碑永

樹盛德方傳

夏州都督黃君漢碑銘首

并序

李百藥

蓋聞龍騰鳳舉聖人德合上天附翼

攀鱗名臣道符興運然濟人活國非

止獨見之明保大定功必藉群才之

力

大唐乘軋御厯奄宅區夏圖錄草  
昧之辰旌旗卷舒之際風雲所感文  
武兼資得孫吳之秘策為韓彭之  
稱首其雅都督歸國公者為公諱君  
漢字景雲東郡胙城人也臯陶伯益  
邁種之德無窮太尉司徒重光之  
慶弥遠自晉宅淮海代仕丹楊六  
綦祖琚與王玄謨同趣滑臺仍為  
東郡太守故自江夏徙焉長江上  
膺井絡惣百谷而會萬川靈河氣  
積咸池孕驪珠而開龍運故能含英  
發秀載旌異人馬奔三古昭章百代  
曾祖顯魏散騎侍郎平昌郡太守

金珥之華寔符令望銀章之重式  
允具瞻祖崇太中大夫器守深邃風  
調高簡中庸履道上庠待問父制  
卷懷丘壑養志琴書屬天將奔齊  
政荒人散地豕荐食彭徐危殆君  
投袂發憤情深批患乃占募鄉人  
表請式過勅授鄉豪大都督及本  
朝傾覆仍從僊仰既而尉迴稱兵  
保全州國仍惣督士馬出赴汴州公  
義采庭訓慶藉緒餘持名教以立  
身錯黼藻而成性年甫弱冠耿介  
不群指黃閣以載懷望青雲而孤  
竦約略龍韜之旨因心以悟背山面  
水之術盡地成圖蹈義之方屬熊

掌而不厭趨角之力顧龍文而以  
輕仁手截蛟尾歸飲羽斃江神而  
憤壯氣貫月魄而運冥切隨煬帝  
驅役中夏遠征遼溟鄉閭首望咸  
遣募人公義不獲已僂佻從事雖  
師徒覆敗猶以先登獲賞授立信  
尉奉州勅置軍府選補越騎校尉  
仍為本府司馬既而大業數窮朝  
危國蹙公深歎橫流方期義舉招  
輯忠勇且觀時變李密據茲勝  
地振彼洪飗力拔嵩華志傾龜斯  
公言思禍始擁衆策名授公上柱  
國河內惣管封汾陰公仍令據守  
柏崖委以并吞河朔然同軌之謀

已留東井翦高之衆且定西秦  
公察變知來雖懷先覺感恩戀  
舊未忍推已及魏公襄律方効誠  
款實融之河右言歸劉琮之荊州  
內向弗之高焉詔除上柱國使持節  
愬管懷州諸軍事懷州刺史封東  
郡開國公食邑三千戶實建德鴉  
張河朔王充狼戾伊潼絕地為妖  
滔天肆虐柏崖山河表裏密迹窳  
讎跨太行之險撫崇邛之背是以  
不移舊鎮用逼凶醜賊徒嫁禍柏  
期吞噬始則甘言厚幣以恠亂神  
終乃窮兵黷武若外投石以同心同  
德之衆藉百戰百勝之威偽將每

擒連城必下雲飛銅爵電照金墉  
韜云國必敗之徵奮凶魁將死之  
魄以功拜使持節管懷陟恭  
西濟四州諸軍事懷州刺史封歸  
國公食邑三千戶公自獻款

聖朝未蒙利見必馳象魏表請  
來廷太上皇以氛祲未靖方資經

略聞不容駭用惜分陰乃降 聖  
書未允情願仍謂群臣宜歸公誠  
績昭著朕思見其人宜遣書工圖  
厥容象昔鄧禹雲臺霍光麟閣  
身歿之後方飾丹青豈比

皇德念功意存容質遂以生年用  
章儀範眇尋前載罕見其倫足

以高邁前脩傳芳來業

皇上親馭一戎矜傾九地

勅公惣斯駉銳扈從神麾於是  
靖洛關而受圖書暨河朔而和聲  
教飲至

廟廷大弘勲典賞運于嗣禮秩斯  
隆既而東魯城氛塵飛崇岱北趙

餘孽氣積旄頭陪從戎旃言誅  
後服爪牙之用情寄斯重首虜  
之多功無與歲江湖潛沸楊越任  
梗別惣師律以振

皇威盡巢穴致前茅之功自淮肥  
成破竹之功軍還除使持節都督  
潞澤蓋韓遼五州諸軍事潞州刺

史唐晉之郊用禮舊俗轉趙之際  
舊戰國餘風喪亂之後人凋俗弊

以下接後葉冠冕同裂云云



以下接後葉冠冕同裂云云

舊戰國餘風喪亂之後人凋俗弊

舊戰國餘風喪亂之後人凋俗弊

冠冕同裂文章咸蕩公以  
厥心靈以墳典開其耳目奉

聖皇之訓比屋可封感邦后之明才  
教無類及黠虜內侵邊烽夜警  
暉斯飛則神器無守網漏而群凶  
競透人靈之貴涉血履賜地載之  
厚爪分癘切

大君有作寧濟區夏七十二戰于  
戈廿八將咸膺星象公望仁義而  
歸往隨謳歌以欣戴運以謀猷奮  
斯靈武義兼追楚之騎實與戲  
黎之功或任切中權或寄深麾下  
或侍言構俎或式清宮禁雖玄女  
秘術必翦鯨鯢赤伏神符自奔犀

象而

望情乃眷榮府書勲懋德懋切  
可以可大軼上山而慶賞盡帶礪  
於無窮乃出惣兵揆外撫方鎮  
既弘車服之錫還資侯伯之重行  
太平之化撫思又之眩鳥獸於是  
歸仁蠻歲以之草面荒微之外種

落寔繁不謙若臣莫知正朔公申  
以文德示以克心汎海梯山夜郎內  
歎觀風惟海朝飛重譯方前驅  
輦道受記明達叅駕

鑿輿告成日觀而彼蒼寬惠與  
善征期沉痾弥留晦時愈積眷  
言神道禍福之塗終昧並走群望

明史之誠無感粵以貞觀六年薨  
於州館春秋五十有二城府聞疇  
風雲悽慘營柳藉以銷亡棠陰  
颯而搖落哀纏野祭痛結眩謠庶  
遺愛之長存恨百身之不贖輔  
楸風豁靈舟歸帆攀惟噎水跡  
慕盈塗非關巫峽之獲豈止友  
江之歎粵以七年十一月還葬於  
本邑之舊塋

皇情軫悼贈贈加等太常考行  
謚曰某公嗣子騎都尉河壽第  
二子騎都尉河上並氣調標舉器  
幹夙成立德之方終期永錫楊  
名之美允屬孝思至性通神叶


歸鄉之夢大龜襲吉奉安宅之  
圖故吏某官姓名等痛徹歆之  
永遠懼陵谷之遷賀乃傳芳金  
石式昭不朽迺為銘曰

周氏彭濮漢室吳英並去列土  
各控強兵竟隨同德並擅高名  
於惟上將實惣連城和宣義烈

翼贊休明家積祉祉門多卿相  
始自江于津來河上昌平溫雅大  
夫貞亮曰父之靈惟人之望奔載  
其德我承靈眈眈英眈眈  
雄姿唐生問相太卜開龜永懷  
廟食獨照軍諮寶銘北虜拜敵  
東夷遺跡是慕餘風可追國步


毛圯時艱孔棘絕地群飛經天薄  
蝕受圖膺運乘軋立極大濟生靈  
載清區域震風效響時英肆力  
將軍挺秀承風扇威縱鱗獨運  
撫翼橫飛常陪秘策必從戎衣窮  
神觀化察變知微山河命賞車服  
增暉既載兵權用求人瘼家肥物  
阜推厚居薄報德迴龜申寬鳴鶴  
多見不忍誰云主諾惟國之楨惟人  
之鐸循虛警節移望鸞輪浮生恒  
化閔水歸真高明至此景福誰親  
泉宮永夕松路非春千年生氣萬  
古芳塵

文館詞林卷第四百五十九



校書郎  
馬弘  
弘字  
四并  
歲

次  
癸  
布  
二  
月  
為  
洽  
茲  
陳  
書



文館詞林卷第六百六十五

詔卅五

政省一

中書令李賓客監修國史弘文館學士上柱國高陽郡開國侯臣許敬宗等奉勅撰

後漢郊章帝廟大赦詔一首

東晉成帝郊祀大赦詔一首

後魏孝文帝祭國丘大赦詔一首

宋文帝南郊大赦詔一首

親祠廟大詔一首

南齊武帝郊祀大赦詔一首

饗祭大赦詔一首

殷祭恩降詔一首

梁武帝新移南郊親祠大赦詔一首

南郊恩降詔一首

南郊恩詔一首

冬至郊禋赦詔一首

禋饗恩降詔二首

北齊孝昭帝郊祀恩降詔一首

宋文帝拜陵赦詔二首

貞觀年忠拜謁陵赦詔一首

西晉武帝籍田大赦詔一首

宋文帝籍田大赦詔一首

宋孝武帝躬耕千畝大赦詔一首

籍田大赦詔一首

南齊武帝籍田恩詔

梁武帝籍田恩詔二首

藉田勸農大赦詔一首

宋孝武帝明堂成大赦詔一首

後魏孝文帝遷都洛陽大赦詔一首

隨煬帝於東都大赦詔一首

後漢章帝郊廟大赦詔一首

制詔朕巡狩岱宗崇望山川告  
祠明堂以彰先勳其二王之後  
先聖之脣東后藩衛伯父伯先  
仲州季第幼子幼孫百僚從臣  
宗室衆子要荒四裔沙漠之北  
葱嶺之西冒瀛之類跋涉懸度  
陵踐阻絕駿奔郊時咸來助祭

祖宗功德延及朕躬予一人空  
虛多疚纂承尊明盥洗享薦慙  
愧慄慄詩不云乎君子如祉亂  
庶遄也歷數既從靈曜著文亦  
欲與士大夫同心自新大赦天  
下

東晉成帝郊祀大赦詔一首

制詔仰憑先訓傍賴宰輔雖自  
勗勵恒惕于心有司循典虔奉  
郊祠燔柴既饗芳氣清穆誠君  
子勤礼眩力普存祖宗神靈天  
下咸得自新

地歌類奚虞猶朕躬荷斯沐祐  
思與地庶共同斯慶其大赦天

以上缺文

與惟新可大赦天下自大業二  
年四月廿五日昧爽以前大辟  
罪以下已發覺未發覺及繫囚

見徒惡皆原免其流徙邊方已  
達前所亦宜赦還人州

在矜恤天下黎元宜免一年租  
調人誰無過所貴能改赦書以  
前云官失爵者必行能可稱宜  
量才收叙官人犯罪已從科斷  
更令忒沒情有矜自今以初宜

罰陟及劫賊之

家口遠配亦宜停遣晉陽送

坐者多弃瑕錄用寔惟朝典

在達地為緣坐解任者亦量

用內外群官俱當朝委但能

化人使知禮節則獄訟自

平可期常敢巧

不限若挾藏軍

曰不首復罪如初敢以亦有

相告言者以其罪罪之

林卷第六百五

英風二年五月十日書手呂神福寫

文館詞林卷第六百六十六

詔卅六

敕省二

東晉太子賓客監徐國史文館學士桂陽南陽郡開國公臣許敬宗書奉  
勅撰

西晉武帝立皇后大赦詔首

東晉成帝立皇后大赦詔一首

東晉穆帝立皇后大赦詔一首

東晉孝武帝立皇后大赦詔一首

後魏孝靖帝納皇后大赦詔首

東晉明帝立皇太子大赦詔一首

東晉孝武帝立皇太子大赦詔一首

後魏孝靜帝立皇太子大赦詔首

宋孝武帝立皇太子恩詔一首

梁武帝立皇太子大赦詔一首

重立皇太子赦詔一首

立太子恩賚詔一首

後周武帝章太子大赦詔一首

貞觀年中立皇太子大赦詔一首

後周明帝誕皇太子恩降詔一首

後魏孝莊帝誕皇子大赦詔一首

梁武帝誕皇子恩降詔一首

東晉元帝誕皇孫大赦詔一首

後魏孝文帝誕皇孫大赦詔一首

貞觀年中誕皇孫恩降詔一首

東晉成帝如元服改元大赦詔首

梁武帝皇太子冠赦詔首

東晉孝武帝皇太子納妃賜詔首

梁武帝皇太子婚降大辟以下罪詔首

宋孝武帝講武原降詔二首

春蒐大赦詔一首

宋孝武帝巡幸歷陽郡大赦詔首

巡幸曲赦南徐州詔一首

南齊武帝幸青溪宮恩降詔首

北齊後主幸大明宮大赦詔首

陳後主幸長干寺大赦詔一首

隨文帝拜東岳大赦詔一首

隨煬帝巡幸北岳大赦詔一首

幸江都赦江淮以南詔首

武德年中幸通義富赦京城內詔首

貞觀年中幸國學曲恩詔一首

幸魏王泰宅曲赦詔一首

西晉武帝立皇后大赦詔一首

制詔朕聞王者所與度義祖宗敬供粢盛刑于閭闔以儀刑萬邦者必須內主是以選建長秋正位中饋庶隆化本嘉典百姓日新其政其大赦天下

東晉成帝立皇后大赦詔一首

制詔傳云云家而天下化蓋美妃后之義也是以周文稱有亂之盛大雅詠徽音之章朕以眇身弘濟艱難賴祖宗之重宰輔元勳羣公卿士之力今長秋既建虔告宗廟正位中饋以奉粢盛軌物六宮刻誥內典將與四海咸同斯慶加項者年儉百姓

不足宜寬簡省諸徭役其大赦天下普增位一等自王公以下在職者賜各有差

東晉穆帝立皇后大赦詔一首

制詔文乾坤表二儀之象開睢明人倫之始是以威恒敷化成之義風雅詠麟趾之美所謂正家而天下化朕以寬德纂義洪緒仰憑祖宗之靈仁愛之訓羣公卿士服肱之力用能克脩憲章祗述古典今長秋肇建以正六宮粢盛有奉內化有寄庶弘惟新形于政道思與億兆咸同斯慶其大赦天下

東晉孝武帝立皇后大赦詔一首

制詔聖王居位同體二儀匪唯外政亦由  
內化是以鰲降鳩汭虞道以隆文定厥祥  
周德斯興欽若典禮長秋肇建體兼天之  
儀齊關雎之義應斯奉時正體皇極軌暉  
壺闈徽音六宮夫乾坤定位則萬類陶育  
兩儀交泰黎元和雍率土悅豫咸同斯慶  
大赦天下普增位一等

後魏孝清帝納皇后大赦詔一首

溫子昇

門下朕以寬德纘戎寶命君臨億兆四海  
為家願惟六宮宜有內主奉策宗廟必俟  
盛門渤海王以命時大才開物成務剋濟  
奸難匡復區夏俾予沖人有所憑賴自天

佐合實在大邦造舟所歸物無異望王公  
卿士人謀既從大莖元龜罔不襲吉率禮  
妙納正位紫宮今朱明在辰祝融御節蒼  
蒼品物成是南訖順時布恩蓋准典故可  
大赦天下与人更始

東晉明帝立皇太子大赦詔一首

門下正位儲嗣以宣羣望是用稽古建茲  
東宮時洎洪基於靈符滌君道於傳訓一  
人有慶北庶同休大赦天下增位二等大  
酺三日

東晉孝武帝立皇太子大赦詔一首

門下走古先哲王有國有家者必建儲貳

之重以崇無窮之統所以欽奉祖宗克隆  
萬業故嘉義表於陽秋守器著於周易朕  
以寬德慕承洪緒虛心慮畏若涉深海思  
樹靈根永固遐業今東宮始建皇祚有寄  
社稷之慶豈惟朕躬將與億兆萬人咸同  
斯祐其大赦天下加位二等大脯五日布  
帛之賜主者詳為之制其餘依舊  
後魏孝靜帝立皇太子大赦詔一首

北齊魏收

門下朕臨有天下將廿年宗廟歆祀群生  
獲又薄德之君何能致此皆由宰相勤王  
文武宣力上下協心神祇降祉有育樹宮

未昇儲貳元輔百辟喻以格言且爰命副  
君嗣成先業此蓋有國之恒規前王之  
典也今令月嘉辰少陽崇建無窮之慶豈  
獨朕躬加比軍國經紀非無勞役吏失其  
所乎有憲侵永言念之思從休泰宜其申  
息廣澤欣慰三才可大赦天下自武定七  
年八月十日昧爽已前謀及大逆已發覺  
未發覺赤手殺人繫囚見徒之身悉原除  
之流配邊方未至配所亦皆聽免

宋孝武帝立皇太子恩詔一首

門下朕度奉宗祧屬策艱運仰瞻先構罔  
識克崇思所以永貽皇緒傳之萬萬建茲

初弱用貳統歷社稷有慶庶邦仰貞樂敷  
訓澤廣被黔首可賜天下為父後者爵一  
級孝子順孫賜以粟帛

梁武帝立皇太子大赦詔一首 沈約

門下朕夙纘璿祉君臨四方夕惕夤畏若  
寘川谷思所以光闡洪基剋隆鼎命王公  
卿士咸以為樹元立嫡有邦所先守器傳  
統於斯為重是用俾茲幼蒙體軫佐貳永  
固宗祀以貞萬國元良之寄非獨在余宜  
洽嘉慶被之億兆可大赦天下賜人為父  
後者爵一級

重立皇太子赦詔一首

門下朕臨馭万邦懍焉祗畏夙夜自強因  
知攸濟隨時麗澤因物為心建立儲宮以  
寧區宇書不云乎一人有慶兆庶賴之思  
與率土同其永福凡天下罪無輕重已發  
覺未發覺侵散官物已上清議流徒并被  
禁錮在今年七月七日昧爽以前皆赦除  
之

立太子恩責詔一首 沈約

門下朕屬當期運係迹前王思所以長俗  
流祉垂之萬葉百辟咸以良寄有國莫先  
先昔哲后降及近代莫不立儲樹嫡守器  
承祧乃旁挹羣議遠惟七百建茲蒙幼仰

副宗祊萊華肇闡崇基克水無疆之慶非  
獨在余思霑賚澤被之遐迹可賜天下為  
父後者爵一級王侯以下量錫幣帛

後周武帝立皇太子大赦詔一首

制詔朕博觀載藉歷選前古粵自炎昊王  
度未詳降及夏殷彝章大備罔不崇建元  
子俾萊洪業上繼宗祧下安群望姬漢因  
循魏晉弘襲纘緒垂統於是乎在伏惟太  
祖文皇帝建茲皇極立我蒸人練石補天  
斷螯約地時逢多難運屬樂推事極成功  
禮終臣節明皇帝天睠聖哲握紀君臨德  
邁望雲道高就曰河海呈瑞則龜龍載文

山岳効靈則風雲昭應朕以不德丕承天  
序宵分廢寢文畧忘宸惕甚納隍慄踰馭  
朽寤寐茲永延仁傳巖念求人瘼思匡朝  
政公卿百辟億兆黎元抗表固陳請崇上  
嗣魯國公贊成德未紀遂膺儲禮仍加元  
服思與率土同茲嘉福可大赦天下

貞觀年中立皇太子大赦詔一首

門下朕衽膺靈命嗣守鴻基孜孜於政  
道兢兢於寶位中夜求衣日旰忘食十七  
載于茲矣實欲敷睦九族平章百姓濟斯  
人於仁壽及澆風於溥朴永言前載詳思  
至道以為儲貳之重宗祧所繫不肖者既

為億兆庶之明德者又為社稷立之三善  
既隆四海攸賴七廟之祀有寄萬代之祚  
方永元良之慶豈獨在予宜布愷澤被之  
率土可大赦天下自貞觀十七年四月七  
日昧爽以前大辟罪以下罪無輕重已發  
覺未發覺已結正未結正皆赦除之

後周明帝誕皇太子恩降詔一首

制詔禮稱負子詩則斯男明兩住離前星  
表吉誕于甲觀生自畫堂欽茲一有以貞  
萬國宜與兆人共協嘉慶可降死至流降  
流至五歲刑五歲刑已下恚原免

後魏孝庄帝誕皇子大赦詔一首 温子昇

門下有國三善事屬元良本枝百業義鍾  
繼體朕應天纂命握圖受錄景祚唯新卜  
羊以永令月吉辰皇子誕育彩雲映日神  
光照殿方開博望將起龍樓遠近同懼人  
神共悅便可大赦天下與人更始自昧爽  
以前謀及大逆已發覺赤手致人繫囚見  
徒流配未至前所者一以原免若亡命山  
澤隱藏軍器百日不自首者復罪如初

梁武帝誕皇子恩降詔一首

門下朕拓樹洪業光宅區宇而本枝之慶  
未廣樹掖膝衛之地猶闕藩屏言念弓鞬  
未能忘懷茅三兒始育磐石之基於焉弥

固慶雖自己思加覃及凡死罪可降一等  
五歲刑降二等三歲刑以下並悉原散唯  
費加在三及致祖父母不在降例

東晉元帝誕皇孫大赦詔一首

門下朕以不德昧于政道自陟帝位迄今  
五載雖四海宅心然頑凶未蕩封豕長蛇  
荐食上國支保大之功在於經武物無幽  
否然後大享事不暫勞則不得永逸是故  
命大將遣衆軍掃定中原在此行也自項  
彘倫失序強弱兼并並列齊崩而相為私  
隸是以極出良人以備甲卒而百姓之費  
公家之出不得操事計以萬數又大化未

濟麗刑者衆牧人者以苛為察庶獄未清  
朕恒憂歎皇嫡孫載育百業之本月三元  
日品物革變思令地庶沛然從善其大赦  
天下

後魏孝文帝誕皇孫大赦詔一首

門下朕纂承大業十有四年未能祗奉天  
地道合陰陽令五行順緒化致時邕願惟  
寬薄載懷慙懼宗廟之靈以今月十八日  
皇孫誕育既有嘉慶思与億兆同之可大  
赦天下咸与更始

貞觀年中誕皇孫恩降詔一首

門下固宗祧者允屬元良隆本枝者寔資

往省周德所以休明漢曆於焉長久朕祖  
奉靈睴臨御帝國天地降祉宗社垂  
祐令月嘉辰嫡孫誕育祥發高禱事踰申  
觀一人之慶既洽萬葉之祜無疆宜布凱  
澤被億億天下見禁囚徒咸宜降罪死  
罪徒流流從徒徒以下罪並放其犯十惡  
常赦所不免官人枉法受財監臨主守自  
盜盜所監臨劫賊傷人故殺人謀殺人已  
加功者並不在降限內外官職事五品以  
上子為父後者各加勳官一轉天下大酺  
五日其去年收儉之慶百姓既有少乏不  
在大酺之限

東晉成帝加元服改元大赦詔一首

門下朕以薄祐少遭閔凶仰瞻增構孤焚  
眇然賴祖宗之靈宰輔之訓羣公卿士之力  
用剋堪軌度免諸艱難冠禮之始嘉事之  
重度告宗廟進納元服於成德之不揚寔  
有愴于乃心將與地廣饗茲寵衽其大赦  
天下改咸和十年為咸康元年增文武一  
等大酺三日賜百官官銀鰥寡獨未五  
斛

梁武帝皇太子冠敕詔一首

門下太子養器春方式備成德休辰肇歲  
元服顯加洪基云固大業克永豈以禮茂

三服實亦慶覃地庶凡罪無輕重未結正者皆赦除之已結正者皆量所優降王公一級勤事之職霑以勞位主者可詳當施行

東晉孝武帝皇太子納妃班賜詔一首  
制詔太子嘗禮既訖仰祖宗遺烈憑道德之資保傳弊翼賢士竭誠慎行無違勉及成德積善慶隆豈惟在予夫大賚班錫所以宣其悅情其便依當有賜

梁武帝皇太子嘗降大辟以下罪詔一首  
門下太子藉訓師保年業克富吉日惟良式昭嘗禮道倫春宮德光幾望本枝方固慶魚黎元思私渥惠以被遐迹凡大辟以下及諸彈坐可並詳降處主者為條拓施行

宋孝武帝講武原降詔一首

門下昔人稱人道何先莫先於兵雖淹紀勿用忘之必危朕以聽覽餘閑講事西郊朝授鉦節士遵師令坐佐有序進退無爽良用欣焉軍幢以下普量班賚頃化弗能行而人未知禁官役違調起觸刑細朕每矜之凡諸逃亡在今昧爽以前悉皆原罪已滯圜圜者釋還本役其逋負在大明三

年以前一停替責自此以還貧疾老弱詳  
所申減所上伐蠻之家蠲租稅半年近藉  
乃新制所在兼用多謀可普更符下聽以  
今為始若先已犯制亦同蕩然

宋孝武帝春蒐大赦詔一首

門下朕受天慶命十一年於茲矣憑七廟  
之靈獲上帝之力禮橫四海威震八荒方  
巡三湘而奠衡嶽夕九河而檢岱宗今談  
卧功成優遊政化雲至鷓降省風畿外兼  
觀臺六合之首蒐枝長洲之表命荆江而  
起翻詔堯豫而馳足搖嶽蓋海騰沙飛隸  
發晉合序鏡提協節入獻祀典饁獸填郊

故張樂揚宮饗戎星樓敬舉王公之觴廣  
納士人之壽八風脩通御雲叢聚盡天馨  
瑞率宇竭歡思散太極之泉以福無方之  
元可大赦天下行幸所經無出今歲租布  
其逋餘責負勿復收賜人爵一級女子百  
戶牛酒邦守邑宰及人吏從蒐者普加霽  
賚

宋孝武帝巡幸歷陽郡大赦詔一首

門下昔羣黨假權天威震耀雖致尊制令  
日月貞明而內屏外扞猶勤先鑒朕以幼  
年早美寵樹朝議晏罷首述藩道而豐弗  
身先運屬凶危雖剋定禍亂重創鴻緒咸

尋情事痛崩心目今威加四海望袂滄嶽  
自去此境廿餘載少壯零落童鴉成人里  
邑荒耗軍府殘悴觀政臨原將百常慨出  
不踰時迴鑿有日輟盡帳飲之歡思廣雲  
雨之施可大赦天下南豫州別署勅繫長  
徒一切原散其兵廝考襲謫伐恚停徒朕  
昔初出鎮將吏賜位二等有犯賊汙勒注  
特宜蕩除與之更始軍身服侵嘗經齊肉  
免為平人

宋綱



文館詞林卷第六百六十七

詔卅七

赦宥三

中書舍人字履登監修國史知館學士上柱國尚書郎開國公臣許敬等奉

勅撰

漢宣帝鳳皇集泰山赦詔一首

後漢章帝麟鳳等瑞改元赦詔首

後魏孝靜帝膏雨大赦詔一首

宋文帝嘉禾秀烹師赦詔一首

後周明帝靈烏降大赦詔一首

靈烏等瑞大赦詔一首

又靈烏等瑞大赦詔一首

隨文帝獲寶龜大赦詔一首

貞觀年中獲石瑞鼎赦涼州詔一首

漢元帝火災赦詔一首

後漢順帝灾旱大赦詔一首

西晉武帝三辰謫見大赦詔首

西晉惠帝玄象失度大赦詔一首

西晉愍帝地震大赦詔一首

東晉穆帝日月薄蝕大赦詔一首

東晉海西公灾眚大赦詔首

東晉孝武帝地震大赦詔一首

連震大赦詔一首

大旱恩宥詔一首

陰陽愆度大赦詔首

玄象告謹大赦詔一首

東晉安帝玄象告謹大赦詔一首

南齊高帝水旱求度大赦詔一首

後周宣帝大旱恩降詔一首

陳宣帝辰象德度大赦詔一首

貞觀年中為山東雨水大赦詔一首

漢宣帝鳳皇集泰山敕詔一首

制詔迺者鳳皇集泰山陳留甘露降未央宮朕未能彰先帝佐烈協靈百姓秉天順地調序四時獲蒙嘉瑞賜茲祉福夙夜兢競靡有驕色內省匪懈永惟罔愆書不云乎鳳皇來儀庶尹允諧其赦天下徒賜勤事吏二千石以下爵

後漢章帝麟鳳等瑞改元敕詔一首

制詔朕聞明君之德啓通鴻化緝熙康人光照六幽訖惟人面靡不率俾仁風翔于海表威運行乎鬼區然後敬恭明祀膺五福之慶獲來儀之貺朕以不德受祖宗弘

烈乃者鳳皇仍集麟龍並臻甘露宵降嘉穀滋生芝草之類歲月不絕朕夙夜祗畏上天無以彰于先功令改元和四年為章和元年秋令是月養喪先授几杖行糜粥飲食其賜高年二人共布帛各一匹以為醴酪死罪囚犯法在景子赦前而後捕繫者皆減罪勿答詣金城式

後魏孝靜帝膏雨大赦詔一首

門下朕承天地之休藉祖宗之業以茲寬薄欽受大命君臨萬國緬踰一紀德之不廣明未能燭寔賴將相匡維士庶用命南儼殷社北塞萊衣海碣謐然開河不警青

祇惟節則嘉液從來未明在律而膏潤應  
序庶品順性群物靡違水火蔭粟祥惟茲  
備凡我兆庶鼓腹可期寔由神祇眷止精  
靈是贊有一於斯載深衽荷願循虛昧當  
重朱筆致其淺深肺石靡申圓玉貽怨天  
下之廣豈曰無之子育黔首也地當憂責  
一物非所懼深在予坐衣望曉非此孰念  
今宇宙清朗風雨和洽草木條暢昆蟲昆  
滋爰仁玉燭宜存寬政赦罪開仁務申息  
厚可大赦天下自武定三年五月廿六日  
昧爽已前謀及大逆已發覺赤子致人繫  
囚見徒流配邊方未達前所者悉原免  
宋文帝嘉禾秀京師大赦詔一首

閉下朕奉養宗祧嗣守鴻業夙夜夤畏思  
隆丕緒未能光宣先德式揚風教惠政弗  
孚矢言靡訓庶徵讐度邊患屬興念深納  
隍每懷明發故躬親帝藉敬恭務本芟茂  
不端採雪崩瘼項羣方効捷要荒草面時  
和歲稔禎祥仍集嘉稷玄黍頰秀京畿合  
稔祕苑擢穗千畝潔粢神倉薦饗郊廟三  
才協靈幽顯偕順永惟休祐何以臻茲自  
天降康豈伊在予思覃斯慶施于萬邦可  
大赦天下文武賜位一等華林園職籌量

賜之

後周明帝靈鳥降大赦詔一首

惟二年八月景子王若曰詔我太師太傅  
太保大冢宰大司徒大冢伯大司馬大司  
寇大司空爰暨列將大夫士州牧守士公  
侯伯子男等夫天不愛寶地稱表瑞莫不  
威鳳巢閣國龍躍沼豈直日月珠連風雨  
玉燭是以鈎命決曰王者至孝則出元命  
苞曰人君孝道所感有虞莖之來茲異趾  
周文翼翼翔此靈會文考至德下覃遺仁  
爰被遠符千載降斯三足表離曜之明效  
君道之云將使三方歸本九州龜一惟此

大祉景福在人予安敢讓宗廟之善弗宣  
大惠可大赦天下文武官普進二級自今  
二年八月十五日昧爽以前大辟罪以下  
厥狀發露未發露其業成洎見徒皆悉降  
不問

靈鳥等瑞大赦詔一首

制詔惟夫天人代樹之元首休徵咎徵  
必有攸應我皇家受天明命奄有萬國夙  
霄震惕勵精不怠登靈臺以觀物坐總章  
而布政庶幾六沐不起五福相生祖宗貽  
厥禎祥頰集九尾一見三足以來仁獸呈  
儀慶雲表色至如倉鳥赤雀白菟玄狐嘉

禾連理芝草甘露史不絕書充仞天府玉  
燭斯調膏雨應節東作歲平西成屢稔重  
以東國行仁哀矜庶獄朕大伯母及弟四  
姑楊氏逢茲寬政獄宥來西惟姑已至循  
心載展伯母誕暑許尋禮送言而有信所  
以為國事本由義無乖爽伯母仁姑屬  
尊德懿離隔三紀欣奉一朝既荷天休又  
兼家慶思與億兆同此骨悅可大赦天下  
又靈烏寺瑞大赦詔一首

制詔朕聞受命之君必有神靈之異禎祥  
之符然後得履乎地人之上不然曷以永  
年哉是以方冊所述其事甚衆至如湯有  
白狼文有赤雀皆為表明其道一人視聽  
我有周誕受天明于今六祀三薦神鳥之  
瑞再獻芝草之禎呈九尾於東郊獲三角  
於南鄙嘉禾生於舊邾連理出於安定華  
平茂乎禁液甘露泣乎芳苑其餘祥見殆  
無虛月朕內省寬薄豈日能致當由大祖  
靈聖幽明無極餘慶可覃猥鍾下武可述  
先志厲所庶幾安敢讓茲景福墜天之慶  
可大赦天下

隨文帝獲寶龜大赦詔一首 李德林

門下昔文出龍鱗軒示於俗字生龜甲堯  
告群臣蓋祗奉天心宣揚神化朕以薄德

荷天之休道未潛通常懷愧悚粵以閏三  
月癸丑汝州刺史元崇義獻寶龜一其腹  
下甲文曰天下揚興隱骨天成文字明顯  
傍有二所似日月之字此龜出於汝水得  
自漁人崇義見以為遣使任貢朕傳諸內  
外俱共遍觀王公卿士咸曰休哉於是尚  
書奏儀太常擇日喜見圖書之瑞請式壇  
場之禮往者初膺大寶律應仲春裡祀南  
郊恐違時令月惟首夏德主於離敢遵肆  
類之典仍受龜書之賜皇靈明命昭著殷  
勤拜伏震驚增其慙惕上玄之意唯在愛  
人自若臨四海憂勞兆庶未能草前王之

彫弊變未俗之好穴禮教尚擁圖罔弗空  
百姓有過實非其罪是朕訓導不明陷於  
刑戮何以副蒼昊之德稱黔首之懷責在  
朕躬無所逃避今燁怒之使當生長之時  
仰惟天道義存寬宥固將潛運生靈俱登  
仁壽宜刷蕩瑕穢許其自新可大赦天下  
貞觀年中獲石瑞曲救涼州詔一首  
門下昔朱鳥降於周代君臣動色黃龍見  
於漢室天下稱慶况乃禎祥顯著靈眷昭  
然者哉朕嗣守宗祧夙夜夤畏憂勤在於  
政道撫育過於含生十七載于茲矣上玄  
儲祉貞石表瑞成命發於文字事高振古

冥符邁於河洛祚表無疆朕是以式備禮燎躬謝蒼昊遠于儲兩亦申虔拜玄冬式序黃鍾在律朔風既切飛雪載零及長至在辰同雲倏卷既升泰壇爰奉玉帛六合開朗變日揚光兩儀交泰靈既允集神祇永福豈獨在予和樂之慶宜被率土可賜天下大酺三日自漢魏以來及於近代每有大慶或賜牛酒然牛之為用耕稼所資多有宰致深乘惻隱其男子年七十以上令州縣各量給酒米麵並以官物充涼州之地嘉瑞攸出加恩之典抑有舊章涼州都督府一州及所管縣大辟罪以下見禁

囚徒並宜原放其十惡故致人劫賊傷人竊傷人謀殺人已傷官人枉法受財監臨主守自盜盜所監臨悉不在施限都督府官人及當州折衝府并縣官人並宜賜會以官物充仍令通事舍人一人馳驛往宣詔并看會涼州百姓給復一年金紫光祿大夫行同州刺史檢校都督安康郡開國公李襲譽賜絹一百疋所管縣令賜絹卅疋囚繫之徒雖有罪謹目茲嘉慶弥用哀矜其京城見禁囚徒宜令皇太子諱慮過其諸州囚徒遣使入道馳驛往慮十惡皆不在慮限訖並奏聞仍令所司具為事條

漢元帝火災赦詔一首

制詔曰迺者火災降於孝武園館朕戰慄  
恐懼不燭變異咎在朕躬有司又未肯  
言朕過以至於斯將何以寤焉百姓仍遭  
凶阨無以相振加以煩擾乎苛吏拘牽乎  
微文不得永終性命朕甚閔焉其赦天下  
後漢順帝災旱大赦詔一首

制詔朕託王公之上涉道日愆政失厥中  
陰陽氣隔寢盜放肆庶獄弥繁憂悴永歎  
疾如<sup>疾</sup>首詩云君子如社亂庶遄已三朝之  
會朔旦立春嘉與海內洗心自新其大赦  
天下從甲寅赦令已來渡秩屬藉三年正

月以來還贖其閭顯江京等知識督烟禁  
一原除之務崇寬和敬順時令遵典去苛  
以稱朕意

西晉武帝三辰謫見大赦詔一首

制詔蓋古之聖王統天御俗咸能仰協陰  
陽俯和庶類使休徵咸應率土獲安無灾  
眚之患蒙人康之福朕君臨萬邦託于王  
公之上而德不足以兼天惠不足以懷物  
仁誠未着政刑多失三辰見謫水旱為灾  
人食不足困于飢饉寢戎不靜征戍勤瘁  
亡逃竄於林莽繫執幽於囹圄犯罪離辜  
刑傷者衆何不達之遠朕甚自媿也赦過

有罪易着其象昔灾肆赦書載其義此所以蕩瑕滌穢責已崇寬祗慎戒異變復之道也思與百姓曰新其化其大救天下

西晉惠帝玄象失度大救詔一首

制詔古之明君導人以德齊之以禮人有廉耻之風尚何姦宄之有故能令行而不犯刑措而不用朕以寬德改化多否各微任見天象失度陰陽譌泆水旱為灾每覽斯獄請奏離韋者衆大皆繇俊勤瘁窮困之由上失其道以陷生靈之命朕甚自愧也間詔當錄廷尉洛陽以散理寬疑有所寬宥而今唯加京城不及州郡蒙之者實懼無以上承天忒下全黎元其大救天下自殊死以下皆赦除之庶在位羣賢厲意盡心日新其後具為令

西晉愍帝地震大救詔一首

制詔朕以寬德昧于大道承祖宗之餘慶當廢典之歷運受命于茲荏苒四載外不能掃蕩元寇奉及梓宮內不能協和陰陽清穆華夷而近地大震動天將以此警肅朕躬昔鼎身之灾殿宗脩德天地變動素服遷殿今劉載孤寢逆黨乖離前克大舉席卷平陽然羣庶誑誤滌罪者衆宜開弘宥以功補愆自頃二秦飢荒兵革累年易

子折骨道殫相望無賴之人毀廢漢陽憫  
茲窮黥重以歎惻又聞平陽蒲坂已東及  
關外六表咸有反善內附之心其大赦天  
下唯劉載起舟家室不從赦例

東晉穆帝日月薄蝕大赦詔一首

制詔朕承先緒纂嗣洪基不能弘濟以道  
惠康黎庶至使眚俗流弊以陷于釁辟掠  
楚過訐或有誣濫每聽刑竟所以矜悼申  
復至于再三而未能過者求其也項日月  
薄蝕五緯愆度譴罰既彰各徵又臻不有  
失政何以致此雖懷惕厲罔知其郵資始  
厚載乾坤之德肆青宥罪先王仁澤月正

元日履端草始思與萬國暢此惟新其大  
赦天下賜鰥寡孤獨不能自存者人米五  
斛

東晉海西公灾青大赦詔一首

制詔朕以寬德遭家多難慕兼洪基屬當  
大重雖夙夜兢兢昧且思政而不能陶融  
玄化宣理二氣致令天文改變太陽虧曜  
五緯錯繆於上水旱灾害於下外則寇逆  
未平戎役殷廣內則勞務未已人力彫弊  
而文武之司不能勤盡人隱惟刑之郵罪  
者衆獄訟繁積每覽其事愧悼于懷書去  
邦之滅否在予一人思惠元元以康地庶

其大赦天下與物更始今年三月七日昧  
爽以前謀及大逆手煞人以下皆赦除之  
唯苻堅慕容焯不從赦例庶樂生之類逐  
陽和以敷育寃結之氣隨谷風以舒散豈  
敢以上謝天譴蓋所以少慰其心主者依  
舊具條制宣下稱朕意焉

東晉孝武帝地震大赦詔一首

制詔夫政道未弘風化未溥求之人事理  
盡為遠欲令玄象畧度五緯順序其可得  
乎頃者上天垂鑒謹告屢彰朕有懼然震  
惕于心思所以存誠致感脩近應遠者在  
於議獄緩死赦過宥罪庶因天變與人更

始其大赦天下謀及大逆手煞人以下坐  
廬棟桓罪者悉皆原之冠禮之重告成宗  
廟前朝舊典晉有位賜蓋酬率土咸同嘉  
慶其追增文武位各一等吏刑獄者求盡  
情當一失其聽則僭濫功臣賢者社稷所  
由替而弗嗣則勲美永湮愛敬者自然之  
性幽而弗顯則至行靡聞操業者砥礪之  
階略而弗甄則貞實沉淪今其簡劓刑獄  
興廢繼絕有孝於其親忠於其君義婦順  
孫見重於邦鄉者又搜揚隱滯務求遺逸  
一不之操必令上達其宣下四方皆以狀

聞

東晉孝武帝運震大赦詔一首

制詔朕以寬德昧于政道恭祖宗之重託  
王公之上雖仰衽先典傍賴宰輔夕惕晨  
興思勩遠猷而誠之所感弗能熙暢天和  
政之所弘未足允洽時雍嘉祥愆應咎徵  
仍至重以天威運震告青觀異衽惶忒懼  
有同冰谷可以不仰惟靈謹克已思復鑒  
于休否弘其攸濟夫祈天存乎順人則災  
莫若脩德陷于辜蓋司契之責怨譴弘興  
寔屢擾之由宜其明郵政刑求人之瘼乃  
身存誠惠極危塗炭其大赦天下自謀及  
大逆手煞人以下在今年六月十九日昧

爽以前皆赦除之比歲荒儉百姓多弊其  
自泰元三年以前所餘逋租宿責倫減儻  
耗壹皆蠲除鰥寡獨孤老六疾不能自  
存者人郵米五斛竅逆未弥壇場多虞經  
略遠防非衆莫濟衰此忒役勞怨未已豈  
忘宣息方事維殷其夏口忒人年既周各  
復其本不得以一時充侵遂深以軍名主  
者明養此詔以為永制又多有死三存沒  
可憫其下所在各賜其家米十斛人遇疫  
厲死者家給布二疋於戲百辟羣司並悉  
心力嘉謀忠告以匡不逮政有不便於人  
者隨事以聞懋弼諧予一人以懷保于地

庶夫登賢進善有國基趾簡靜仁惠為政  
所先斯道既弘誠心是暢庶乎業穀降殷  
早雲興周

東晉孝武帝大早恩宥詔一首

制詔頃玄象失度大旱成灾由朕之不德  
昧于改道雖沒夕惕若厲坐以待旦徵咎  
思渡罔知攸濟自非寬刑省賦惠安百姓  
無以仰謝天譴俯塞人責便籌量賑給孤  
老明察庶獄且可考計郡縣人戶叛散之  
數一年內死多必有傷化害政不便於人  
者各隨局極言得失朕將虛心聽焉往以  
強寢縱逸摧取賊吏蓋當時之宜非經國  
之制或因犯事遂謫充皂隸雖羣小多愆  
亦由佞使無方陷之刑辟良用憮然其過  
衛葬一皆散遣縱年限未滿悉還屬所隨  
才叙用勿拘往制

東晉孝武帝陰陽愆度大赦詔一首

制詔強寇剋跡而經略惟始事役之勤未  
及一息加比年不登道殍相望物不獲豫  
則輕陷刑辟頃玄象告變水旱不調天人  
同符有若影響豈將教違冥渡之本化乖  
覃及之德哀矜未著於此故令陰陽愆度  
於彼邪惟茲在予永言增歎思黎允與之  
更始羣戎革面開其自新洗誠宥罪庶答

天譴其大赦天下

東晉孝武帝玄象告譴大赦詔一首

制詔上德不言而玄化自運豈時有隆夷  
將尹之由人邪朕兼天位思齊厥旨庶存  
誠寘復理順漸至而風教弘陵頌聲弗聞  
玄象違行告譴不已頃雖洗心尅已曾無  
徵應動之失理其實在予而歸咎百姓陷  
以刑罰非所以宥元之命對上天之意也  
今元會大享率土同歡和德始布舍生樂  
遂因感篤懷思令地庶其大赦天下十年  
以前逋租宿責悉蠲除之

東晉安帝玄象告譴大赦詔一首

制詔夫霜露易節歲功遂其序德刑代揮  
哲王凝其宰斯顯仁之至用成務之通軌  
自道謝玄風靡不由之者也朕以寬德弗  
克負荷洪統靈基中墜泉谷章賴命時再  
建皇極每鑿寐永念三復厥難思弘振王  
道以康惟新之祐而理乖昧始其差或遠  
虛誠未着灾眚已彰頃玄象屢譴於上允  
早歎愆于時凶愚之狡猶或妄作豈餘地  
之未澄將在予之寔臻耶仰懷俯慨良增  
惟疚其大赦天下與之更始謀及大達乎  
致在今年三月十九日以前皆赦除之逋  
租宿負應所除者詳為條制徃以年穀荒

儉故禁酒以紓其弊既去檢告登百姓粗  
給宣導情禮亦不宜久擁可還通之

南齊高帝水旱乖度大赦詔一首 王儉

門下朕君臨區寓於今三載雖風膏質忒  
弗遑荒怠而陰陽未調水旱乖度倉廩既  
闕風教多違因寔繁政刑靡緝方方之  
過在予一人思弘優澤曷茲更始可大赦  
天下道租宿責祥所原除

後周宣帝大旱恩降詔一首

制詔朕以寬薄昧於政方不能使天地休  
和陰陽調序自春涉夏甘澤未豐既輟西  
郊之難將虧南畝之業興言夕惕無忘鑒

寤良由德化未敷政刑多殫萬方有罪責  
在朕躬思覃寬愷被之率土見囚死罪並  
降從流流罪徒五歲刑以下悉皆原宥其  
及叛惡達不道及常赦所不免者不在降  
例

陳宣帝辰象愆度大赦詔一首

門下盡冠弗犯革此澆風孛戮是陷化於  
薄俗朕甫膺寶命迨將一紀思經邦濟俗  
憂國愛人曰友幼勞夜分輟寢而還溥反  
朴其靡階雍熙盛美莫云能致遂乃鞠計  
之隙盈於聽覽春欽之人煩於牢周成刑  
措漢文斷獄杼柚空勞邈焉既遠加以策

介醜徒軼我彭汴淮汝萌庶企踵王略蕭  
兵摠旅義存拯救飛蓋挽粟征賦頗煩暑  
兩祁寒寧忘咨怨無宿度乘殄次舍違方  
若曰之誠責歸元首愧心斯積馭朽非懼  
即建子今月微陽初動應此嘉辰宜播寬  
澤可大赦天下

貞觀年中為山東雨水大赦詔一首

門下天地播氣垂生育之德皇王御曆弘  
震燾之仁故能財成萬類光宅八表朕祗  
奉茲訓嗣守鴻業兼百王之季末屬四海  
之彫殘晨興夕惕毋忘兆庶尅已勤躬思  
隆政道欲使陰陽順序于戈載戢庶幾前

烈致茲刑措而山東之地頗年不捨水雨  
為灾飢饉相屬蠡介西戎屢擾邊境事不  
獲已遂勞兵車良由誠未動天德不被物  
興言念此撫已多慙加以澆偽尚繁刑典  
仍用雖復留心聽斷明懷庶獄常恐縲紲  
之中含冤靡訴〇〇所及弗辜致罪一物  
有恐責深在余今歲惟暮春時屬生長宜  
順天布澤與物更新可大赦天下自貞觀  
九年三月十六日昧爽以前大辟罪以下  
已發覺未發覺已結正未結正繫囚見徒  
罪無輕重皆赦除之其常赦所不免十惡  
妖言惑衆語及國家情理切害劫賊傷人

故煞人謀、、、救已上道及降死從  
流并流配上道者並不在赦例

十九



文館詞林卷第六百六十七

文館詞林卷第六七十 詔四十 赦宥六

中書令太子詹事監修國史文館學士上柱國高陽郡開國公臣許敬宗等奉

勅撰

漢武帝赦詔一首

漢元帝大赦詔一首

魏高貴鄉公大赦詔一首

西晉武帝赦詔一首

東晉成帝大赦詔一首

東晉康帝大赦詔一首

東晉孝武帝大赦詔一首

後魏文成帝恩降詔一首

後魏孝文帝大赦詔一首

宋文帝大赦詔一首

宋孝武帝大赦詔一首

原宥詔一首

南齊武帝原逋負詔一首

南齊明帝大赦詔一首

原逋負及罷省詔一首

梁武帝恩赦詔三首

開恩詔一首

降寬大詔一首

北齊文宣帝大赦詔二首

北齊武成帝大赦詔一首

北齊後主大赦詔一首

後周武帝大赦詔一首

赦齊人被掠為奴婢詔一首

陳武帝宥沈泰家口詔一首

隨文帝免三道送人家口詔一首

大赦詔二首

武德年中曲降十二軍界詔一首

漢武帝赦詔一首

制詔朕聞天地不變不成施化陰陽不變物不暢茂  
易曰通其變使人不倦詩云九變復貫知言之選朕

嘉唐虞而樂殷周據舊以鑿新其赦天下与人更始  
諸逋貸及辭訟在孝景三年以前皆勿聽理

漢元帝大赦詔一首

制詔蓋聞唐虞象刑而人不犯殷周行法而姦宄服  
今朕獲承高祖之洪業託公侯之上夙夜戰慄永惟  
百姓之急未嘗有忘焉然而陰陽未調三光晦昧元  
々大困流散道路盜賊並興有司又長殘賊失牧人  
之術是皆朕之不明政有所虧咎至于此朕甚自恥  
為人父母若是之薄謂百姓何其大赦天下賜人爵  
一級

魏高貴卿公大赦詔一首

晉張華

制詔蓋至化寬以服人太上仁以懷物以寬故能含  
載無方唯仁故能容養萬類苞體元々加勿踐之恩  
蛸翹喘々蒙施罟之德議獄緩死而衆生遂其性肯  
災肆赦而萬邦荷其惠此雷雨所以著象聖明所以  
播德也朕以冲昧獲統天位不明于訓而託公王之  
上幸賴先相國晉王匡濟之勲自夏徂荒遠無不化  
相國晉王嗣業承緒繼明炤于四方仁風肇被六合  
旁靡黎儀億地日新厥志朕嘉使百姓厲精自肅以  
承首化其大赦天下自謀反大逆以下已發覺未發  
繫囚見徒坐過謫罰禁錮奪勞在今年月日昧爽已  
前皆悉赦除之亡失官物及負官責逋久一切亡叛

人赦書到後百日不自出復罪如初敢以赦前事相  
告言皆以其罪々之主者具為詔普告天下咸使聞  
知稱朕意焉

西晉武帝赦詔一首

張華

制詔居德厚以濟物清刑罰以服耻此皇羲垂象所  
以使羣生逸豫也御俗者必先以敬讓導德齊礼然  
後億地知方有恥且格三代令主唯茲為務故刑厝  
不用大化咸和區々漢文猶斷獄四百而當今德義  
不陳獄刑峻密吾既不能寬以居之莅事之吏又不  
能以仁恕求中競爭錐刀之末刻木為吏人猶懼之  
望四海夷泰与古昔同風此為却行而求及前人也

每覽斷獄之奏居下訕上之訟未嘗不惻然悼心昔漢相曹叅以獄市為寄欲使奸有所容彼豈愛奸人乎蓋哀其皆可化之配也今六合同軌夙夜兢；思茂建皇極以清其源闇乎大理未知厥路何由且願令庶隸免一切之患徐與羣賢共濟其弊其赦天下流宥遠方者皆原之殺人者人之大害互以殺心殺又諸以凶醜父母親戚所從及犯罪徒邊者不從此令其中勅有司所以將順厥政輔其不逮宰輔懷曹叅之仁司理守于張之正二千石長吏謹以文教惠綏百姓庶使萬邦黎蒸各得其所稱朕意焉

東晉成帝大赦詔一首

制詔自中興以來或有艱難而君臣道隆是以雖夷險有時而政道無虧去年以來三公頻喪為國之基於此殫悴豈朕之不德將時運之否哀傷憫悵不忘于懷且政刑之弊或有煩濫宜見蕩滌其大赦天下東晉成帝大赦詔一首

制詔先王統俗因時適會運有隆夷故應務殊軌至於流仁惠以陶物崇易簡以臨下開古今而不遷者其道一矣朕以宣德攝當大重不能協暢靈和緝熙庶績水旱失度頻歲不登風教陵遲刑網滋彰雖否運將泰中原漸一梁岷釋甲南夷稽服然河朔蕭條王澤未浹開右阻貳遺黎塗炭戎車野次役務繁興

行夫勤悴於外百姓勞弊于內每夙夜憂懼如臨川  
谷思與羣后求人之瘼使元々之命咸得自新其大  
赦天下

東晉孝武帝大赦詔一首

制詔夫百王雖殊尊本則一首物開統貫自孝敬固  
饗帝而天人和道高而万物順三代所以不言而被  
感極通神者一而已矣朕賴社稷之靈嗣哲洪業帝  
維遠廓天衢開夷故霜風晨拂則園陵肅清黎庶忘  
勞則七廟增峻萬國觀惟新之盛措紳觀裸薦之容  
宜酬情於九有暢大慶於普天且五緯錯序風教靡  
聞導達之本仁功未遠政刑之平人未忘怨豈惟物

之多僻抑亦司典不明朕用鑒寐永歎慨然傷懷夫  
三才同本通其契者得一而誠理氣會其極者仁恕  
矜而宥之感遠自迹議獄緩死象和德而布澤濂蕩  
枯落拂宇宙而咸新其大赦天下永嘉妖賊恚可原  
遣逋租宿責一皆除之

後魏文成帝恩降詔一首

門下朕以眇身纂承大業懼不能宣慈惠和寧濟萬  
寓夙夜兢々若臨川谷然即位以來百姓晏安風雨  
順序邊方無事衆瑞魚呈不可稱數又於苑內獲方  
寸玉印其文曰子孫長壽群公卿士咸曰休哉豈朕  
一人克臻斯應實由天地祖宗降祐之所致也思与

北庶共茲嘉慶其令大酺三日諸殊死已下各降罪一等

後魏孝文帝大赦詔一首

門下飛宿澄天表懸象之光列嶽崇地著神區之寶故微辰闡中玄圃敞朗嵩室鎮極赤縣彬今耀昊凝紫以保生真宰緯黃而首唱若々子靈功之在茲洪化之所由矣今元斬秀洛璽厯鏡渾日月凝光寒暑交蔚冥化与陰陽齊和人風隨天地俱合日止日時律唯黃鍾萌春潛陟軋心微顯禘天圓頂慶祖地上百神受職千靈昭享皇依委而下顧萌繇繆以仰祐幽明忽愴神人雜沓者哉朕德匪上皇道慙中獻謬

鍾定鼎運臻升中一昨奉記暫登太儀徙步雲峯振玉風嶺望閭闔而聳氣拔辰階以娛衿弗知何德可以尔乎思与北獻共斯嘉祐且天元之後方務方新宜開太始章厥猷端可大赦天下与人肇始諸謀反大逆外叛殺人殊死已下已發覺未發覺繫囚禁錮自太和十九年十一月十九日長至昧爽已前一皆原除逋負租調官物違限者自此年正月已前悉聽與人有司詳准舊式備為條格既与万邑具創風澤宜各濯心日新厥政咸相申告稱朕意焉

宋文帝大赦詔一首

門下盖聞遊拱巖廊可以為政象刑而化天下弗犯

朕雖虛薄情在昧旦樂與羣賢共弘政道而德不遠  
乎明不燭物致朝野之才多遺庶官之用未盡陰陽  
屢亢旱澇成灾奸臣蔽禍逆圖潛結加戎狄侵邊害  
流黎庶頻歲師旅行徭未息宵言永念愧悼于懷今  
方隅已清衆役寧晏爰脩其本以祛往弊崇息宥過  
惠此億地可大赦天下并宣下內外明慎所司戮力  
竭誠無或怠逸稱朕意焉

宋孝武帝大赦詔一首

門下歲慶聿新禰燎肅展耕宣務本教以富立朕式  
應協風躬藉三推仰供粢盛俯訓億兆庶困庾克行  
人和禮興頃天地並貺神祇因愛肅慎楛矢浮溟來

獻西極珍驥涉沙作貢三茅曜寶五靈景祥維德弗  
明震乎瑞物思上蒼軋錫下敷慶澤可大赦天下尚  
方長繫及逋租借責大明元年以前一皆原除力田  
之人隨才叙用孝悌義順賜爵一級孤老貧疾人穀  
十斛藉田織司優量需費今歲東作或乏糧種隨宜  
貸給長吏親人宣勸異等者詳加褒進

宋孝武帝原宥詔一首

門下昔姬道方凝刑法斯厝漢德初明犴圜用簡良  
由上一其道下溥其性今人澆俗薄誠淺偽深重以  
宣德弗能正化故知方者尠趣辟寔繁向因巡覽見  
二尚方徒隸纒金履校既有矜傷加國慶人和獨隔

凱澤益以愍焉可詳所原宥

南齊武帝原逋負詔一首

門下自律變鍾絲氣移靈革清華謝德日月還輝朕垂冕中朝肅承靈命求瘼待吳動慮分霄雖減賦平絲救之俗弊議獄考官暢茲眚鬱而運革悖尤時殷澆暮四眊或阻九稔未儲興言以念有疚懷抱凡厥率土自建元以來所負府庫金穀悉原不替庶以知榮厚於游覽均茲粟於水火

南齊明帝大赦詔一首

徐孝嗣

門下夫三辟興於標季十失在乎嚴刑張弛之宜此焉攸急朕靖鑒中皇于茲五載方冊日陳前圖靡墜廉恥未期固訟猶廣邦之不減寤寐矜歎今陽和用事品物咸新宜覃覃庶與之更始可大赦天下逋租宿債在四年之前悉皆原除

南齊明帝原逋負及罷省詔一首

徐孝嗣

門下朕以宣薄嗣膺寶統對越靈命欽若前圖思所以敬守成規拱揖羣后而哀荒在日有愾大猷慮軼納隍競逾待且且宸居惟始八表觀風宜育德振人光昭睿軌凡逋三調及衆責負在今十一年七月卅日以前悉同蠲除其備償封藉而貨賣未集亦皆還主御府諸署池田邳治興廢治事本施一時於今無用詳所罷省公宜權禁壹以還人開市征稅務從優

咸主者量為條格

梁武帝恩赦詔三首

沈約

門下朕受天明命光宅區宇仰調六漠旁詔百神日  
異劬勞于今三載矣雖靜言宣室留心聽斷而九服  
遐阻四聽靡達恩未被毗化闕覃遠不能以仁義漫  
漉禮讓甄陶觸網入刑誠非外至致茲闇淺抑有由  
然獄書日聞於幃坐弊罪相係于園室陷之在余良  
以多愧宜矜愷澤昭被率土可大赦天下

門下先天而天不違後天而奉天時然後可受金策  
於龍圖應寶命於天位與二儀而同運一六合而光  
宅書不云乎皇天無親惟德是輔人心無常惟惠是

懷朕承百王之後當万乘之尊不能使青雲呈瑞白  
環表祥道被域中守在海外無因布政空荷重負幽  
憂未除精華已竭豈宜再臨太階重辱神器方欲縱  
心任杖歸老邱壑迫以羣臣之請隨万姓之心慟乎  
夕惕坐以待旦思俾地咸與惟新可大赦天下其逐  
食流移犯事逃亡並聽還復本業蠲課三年流徙清  
議禁錮奪勞亦同寬釋在位羣臣宿衛文武邊疆忒  
咸有劬勞普賚一階孝悌力田為父後者賜爵一

級

門下朕昧旦劬勞慮切人命哀矜之情徒積漸被之  
功闕然從善知義未臻乎比屋弊罪斷刑猶勤於聽

覽願已脩衷良以多愧興言重辟思加令免凡死罪  
已禽錄特令生命止付治署若罪應入死而逃叛未  
禽可開恩五十日並聽自首不問往罪是公家役限  
令各覓處自効遠近適意是其家口應坐質謫迹從  
原宥

梁武帝開恩詔一首

徐勉

門下夫樂所自生含識之常性厚下安宅馭俗之道  
規朕矜此庶甦無怠待且亟弘生聚之略每布寬恤  
之恩而編戶未滋遷徙尚有輕去故鄉豈其本志資  
業殆闕自及莫由巢南之心亦何能弭今開元發歲  
品物惟新思俾黔黎各安舊所將使居無曠士邑靡

游人雞犬相聞桑柘交暎凡天下之人有流移他境  
在今天監十七年正月一日以前可開恩半歲悉聽  
還本蠲課三年其流寓過遠者量加程日若有不樂  
還者即使藉為伍准舊課輸若流移之後本鄉無復  
居宅者村司三老及餘親屬即為詣縣占請村內官  
宅令相容受使戀本者還有所託凡坐為市埽諸職  
割盜褻減應被封藉者其田宅車牛是生之具  
不得悉以沒入皆優量分留使得自止其商賈富室  
亦不得頓相兼併遁叛之身罪無輕重並許首出還  
復人伍若有拘限自還本役可明為條格咸使聞知  
梁武帝降寬大詔一首

徐勉

門下朕矜此下人鑒寐興想赦過之令氣序相尋而罕識愚人尚多犯法思同雷雨降茲寬大凡劫賊未擒及結正餘口未擒者悉聽詣所自首還復人伍或犯死罪而家人非從坐者亦聽遣質依前許首若罪應入重而不預權制可特原死依權制補適經已叛隱匿賀襲巧注皆許首正女丁質繫權悉散遣其割盜亡失守責違負家丁質駐同聽權散許自輸送凡前諸科成開恩百日今九年以前三調逋餘非列畢限州郡精加檢括審在人間未入官者並聽停督王者詳為條格施行

北齊文宣帝大赦詔二首

魏收

門下朕夤應大命悚荅上靈入坐青蒲出居黃屋永懷政術無忘化本文武兼運賞罰俱行用恢九道是靈萬國玄穹孔鑒諸神效祕寶圖已協玉燭無違所以晉缺王詩魏執帝藉爾稱侍國久亡褒土自我會昌隨運而至鳥迹□蟠飛光漾彩豈伊人事理契冥符屬此非常朝野動色幽明薦貺欣贊有典解網弘施抑惟舊章願脩宣德推而弗虞寔用衽慄匪遑休息夜思待旦安不忘勤沙漠遺虜為梗厯蒸江淮宿夷隔代未款或六師親指或三軍薄伐玄海息其橫波赤野卷其毒霧胡馬追風汗赭而遠入越象垂鼻貽節以呈馴遐迹率從中外一體天眷廟靈同辨興

運往者印山潁川諸有勝捷秦中將七久見俘囚比  
加寬貸有所料免義在申恩非要力用而感德奮身  
効立攻討圖勞命賞並出優洽自餘拘禁未從濡然  
雖來非慕義而事由馭逼原心略迹在可哀矜既涅  
成群品含養庶類本存覆燾何論彼此苟曰非所是  
用傷惻又率土之廣黔黎之衆形肖天地氣稟陰陽  
宰宰吏侵致虧亭毒有一於此良所寤歎今三方大  
定開隴未夷謀夫展策以抑揚猛士效勇而慷慨方  
介馬出車蕩刷逋醜鼓行而超涇渭指畫而掩爪涼  
思流惠區中加仁域外明雷雨之義開造育之始可  
大赦天下自天保七年七月廿六日昧爽以前赤手

殺人繫囚見徒志皆原免

門下兩儀言大以生為德四時之信仁實為首朕撫  
茲興運尊居域中協契神祇冥心造育以至道弘濟  
義不獨善慈惠所在形有俱遂是故齊居深念志先  
含養根莖蠲蠕思無天閤一物非所常以惻然欲令  
品庶咸得其性雖區寓穆清朝野寧緝風雨調節日  
月光華雖休勿休無忘夕惕尚恐下情未達上聽不  
廣更垂其道致怨侵疾苦或存恩意猶隔隔俾我中  
懷未宣率土子盲黔首能不伊慨赭衣艾鞶齊德導  
禮通之有術夫復何難又以江東旅拒年代淹積慕  
義畏威交臂藩欵疇日匪眈咸為臣妾秦隴逋誅久

穢閑輔天篤其禍魁藪先亾更相翦害胤嗣孤弱衆  
叛親離莫不解體方六師雷動伐罪弔毗廓周漢之  
舊墟奄蒞沙而為一將使億兆同欣王略無外思所  
以捨過宥罪持網解目蕩滌牢狴叶暢時和凡百食  
毛賜其更始可大赦天下自天保九年四月十九日  
昧爽己前赤手殺人繫囚見徒悉皆原免孝子順孫  
義夫節婦道著亾園者標其門閭侯藏軍器亡命山  
澤百日不伏首者復罪如初敢以赦前事相告言者  
以其罪之赦書日行七百里

北齊武成帝大赦詔一首

魏收

門下齊應天曆會昌神道代及握紀照臨萬方朕以

宣德對揚靈命將茲大業作君四海永言丕緒夙夜  
惟寅昔高邑成禮繁昌正位受圖綰璽仍晉之陽冬  
序告終六龍啓路元春獻吉欽著前典紺璽仍晉之陽冬  
聖尊極清廟大官升食合祖協時展事成序幽明陟  
降薦享寔深感暢加以百辟庶寮執斯故實奉深主  
鬯屢聞聽覽登此陰教固本少陽百王彝範事非撓  
抱俯從群請俱正其位願以虛薄允答天休王度國  
章人神以愜猥居人上子育率土思簞堯舜乎此太  
階今方隅肅然中外一體股肱爪牙心如鐵石謀猷  
折衝穆我風化陽煦云始庶品方作順天糴澤今也  
其時蕩刷瑕穢混清區宇与物更始無恩不洽可大

赦天下自大寧二年正月十八日昧爽已前謀反大  
逆已發覺未發覺赤手殺人繫囚見徒及長徒之身  
悉從原免流徙邊方未至前所者並亦聽還清議禁  
錮及七品已上犯奸盜之徒亦在原限九州職人並  
進二級內外文武百官並進一級亡官失爵復其實  
品凡諸賦稅懸在人间及逋租懸調負貸官財主掌  
自盜亦皆勿徵諸為父後者賜爵一級

北齊後主大赦詔一首

魏收

門下昊天不弔降茲大禍大行太上皇帝委弃率土  
昇遐奄及攀號永慕上下崩殞仰惟誕聖應期樂推  
在運尊居宸極大濟區寰垂日月之明灑雲雨之澤

百神奉職千齡云在三才允穆万代一時雷霆所致  
罔不奔走舟車混會九域歸仰禮以正朝樂以移俗  
有感咸遠日用不知天平地成何思何慮神遊物外  
為而弗有言訪崆峒且眷姑射悠然獨遠糠粃堯舜  
牢籠遂古無得而稱朕以虛宣夙承寶曆膝下過庭  
罔極空輪精誠罕鑒荼蓼遂臻永惟窮毒泣血靡告  
惟我凡牙心腹不二之臣體國銜哀義百恒品億兆  
蒼生宿賴矜貸若喪考妣事切唐人仰惟先旨深慈  
廣洽宜宣弘施被以餘恩惠及囹圄且滌瑕穢可大  
赦天下自天統四年十二月十五日昧爽已前謀反  
大逆已發覺未發覺赤手殺人繫囚見徒長徒之身

一切原免流徙邊方未至前所悉亦聽還九州職人  
普加四級內外百官並加兩級亡官失爵悉復資品  
天統三年以前凡諸賦稅懸在人間及逋租懸調一  
以原免其常赦所不免者不在赦例

後周武帝大赦詔一首

制詔人生而靜純懿之性本均感物而遷嗜欲之情  
斯起雖復雲鳥殊代文質異時莫不以隄防示之  
禁令朕君臨萬寓覆養黎元思振頽綱納之軌式比  
囚人有犯與衆弃之所在群官有愆過者咸聽首露  
莫不輕重畢陳纖豪無隱斯則風行草偃從化無違  
導德齊禮庶幾可致但上失其道有自來矣陵夷之  
弊反本無由宜加蕩滌與人更始可大赦天下

後周武帝赦齊人被掠為奴婢詔一首

制詔無侮愆獨事顯前書哀彼矜人惠流往訓偽齊  
末政昏虐寔繁災甚稽天毒流比屋無罪無辜係虜  
三軍之手不飲不食僵仆九達之間朕為人父母職  
養黎庶念甚泣辜誠深罪已除其苛政事屬改張宜  
加寬宥兼行振卹自偽武平三年以來河南諸州之  
人偽齊被掠為奴婢者不問官私並宜放免其在  
淮南者亦即聽還願往淮北者可隨便安置其有滯  
殘孤老飢餒絕食不能自在者仰刺史守令及親人  
長司躬自檢校無親屬者在給其衣食務使存濟

陳武帝宥沈恭家口詔一首

徐陵

十六

門下罰不及嗣自古通典罪疑惟輕布在方策沈恭反覆無行遐迹所知昔有微功仍荷朝寄割符名郡推轂累藩漢口班師還居方岳良田逾於四百食容非止三千富貴榮華政當如此鬼害其盈天奪之魄無故猖狂自投獯醜雖復知人則哲惟帝其難光武有敝於龐萌魏武不知於子禁但令朝廷無我負人其部曲妻兒各令復業在取及軍人若有恐脅侵掠者皆以劫論若有男女口為人所蔽並許詣臺申訴隨文帝免三道送人家口詔一首 李德林

門下往者周歷將窮禍生寓內四海之望有若瞻烏

尉迴跋扈鄴城吞六國之半司馬消難趙趙安陸合三吳之從王謙割據崕峨稱兵內壘並鷓鴣豕食蝟起狼驚士庶相憂溝壑非遠朕昔當朝宰任專征伐每簡將帥遞出兵車憑上天之靈藉羣才之力干戈所及雲除席卷諸將懷熊羆之心執法守鷹鷂之志奮疾雷之怒行嚴霜之誅逞亂家口咸充賞物論此三凶前朝貴仕各恣藩鎮俱有威權搖盪三方擁逼地庶元謀同惡其數無幾自餘則在其囚羅皆被迫脅形同醜類事非本心親戚因之長為賤隸同國境之內共聲教之下或良善親通或衣冠血屬邑屋乘棹舉目弗遙男曰人奴女為人婢其為憂歎何止向

爾同感性靈咸相愍念况朕受天明命為其父母有一於此情深納隍誠欲盪滌疵瑕悉以原宥但分配之日析物賞勲虛而奪之功臣或怨其後尉迴司馬消難王謙作逆非元謀之家良口配動久見為奴婢若有家人親舊依本析物之直贖者聽之若無家人親舊有口之人宜具錄文簿即上尚書官為酬贖庶使有功獲賞不失王者之信有罪見恤微示哀矜之情

隨文帝大赦詔二首

薛道衡

門下朕肇開寶運君臨區宇承干戈之後當澆弊之俗思欲代刑以德改薄歸淳使人識廉恥家興禮讓

雖遷善之毗十室變九而不移之性莫能盡革憲網由其未輟囹圄所以尚存每臨朝聽政法司奏獄惻愴不怡終夕忘寐願惟薄德感物未弘責實存予興言慙惕今冬律已窮陽和方始宜申惠澤咸使更新自開皇七年十二月一日已前犯罪之徒宜依前件門下春生夏養天地之大德解網泣辜聖人之明訓朕恭膺寶命撫臨四海承喪亂之後當凋弊之辰憂勞庶務不遑寢食夜思政道坐以待旦欲使人皆從化家悉遷善禮讓興行刑罰勿用而德慙感物道有未弘致使囹圄尚存憲網不息每法司敷奏言及刑名念彼溇風良深愧歎時惟開歲陽和載始宜順天

布澤與物更新可大赦天下自開皇十九年正月七  
日昧爽已前大辟罪已下已發露未發露繫囚見徒  
悉從原放

武德年中曲降十二軍界詔一首

門下朕膺籙受圖君臨區宇承凋弊之餘俗極黎元  
於塗炭夕惕思又日旰忘勞每念粟帛不豐人多匱  
乏干戈未戢獄犴猶繁納隍之慮無忘寢食然而神  
臯輿區京畿攸在四方輻湊之區萬國朝宗之地頃  
年薄伐師旅荐興行役轉輸不遑寔息加以往因喪

亂條章廢

下缺



文館詞林卷第六百九十一

中書令太子賓客監修國史知文館學士上柱國高陽郡開國公臣許敬宗等奉

勅撰

誠勵

漢武帝責楊僕勅一首

西晉武帝戒州牧刺史勅一首

滅牙門勅一首

滅計吏勅一首

滅郡國上計掾史還各告守相勅一首

宋文帝與彭城王義康勅一首

梁武帝與劉孝綽勅一首

命百官聽採勅一首

隨文帝答蜀王勅書一首

貞觀年中與李玄明勅一首

與于乾長勅一首

貢舉

北齊武成帝舉士勅一首

隨文帝令山東三十四州刺史舉人勅一首

除授

北齊武成帝除崔士順散騎侍郎勅一首

命婁道遜兼正負迎陳使勅一首

除潘子義持書裴謁之殿中侍御史勅一首

除源那延持書房昭太守勅一首

除奚瓊等太守勅一首

除盧景閑太守等勅一首

北齊後主除崔孝緒等太守長史勅一首

起復邢恕屯田郎勅一首

除李遵等官勅一首

除并州沙門統寺勅一首

除僧慧摩冀州沙門都維那勅一首

貞觀年中授杜如晦等別檢校官勅一首

命房玄齡檢校禮部尚書勅一首

黜免

隨文帝解石孝義等官勅一首

免常明官爵勅一首

免馬仲任官爵勅一首

臣敬宗等謹案勅者正也書稱勅天之命其名蓋取此也周穆王命鄧父受勅憲即其事也漢責楊僕其文尤著今歷採史籍以備勅部

誠勸

漢武帝責楊僕勅一首

勅將軍之功獨有先破石門尋隄非有斬將塞旗之實也烏足以驕人哉前破番禺捕降者以為虜掘死人以為獲是一過也建德呂嘉逆罪不容於天下將

軍擁精兵不窮追超然以東越為援是二過也士卒  
暴露連歲朕為朝會不置酒將軍不念其勤勞而造  
佞巧請乘傳行塞因用歸家懷銀黃垂三組夸鄉里  
是三過也失期內顧以道惡為解失尊之序是四  
過也欲請蜀刀問賈幾何對曰率數百武庫日出兵  
而陽不知挾偽于君是五過也受詔不至蘭池宮明  
日又不對假令將軍之吏問之不對令之不從其罪  
何如推此心以在外江海之間可得信乎今東越深  
入將軍能率眾以掩過不

西晉武帝戒州牧刺史勅一首

勅夫興化濟功俾官守業朝夕日新者其要在於董

司也刺史銜命方州無總戎政宣風于外儀表萬里  
宜直道正身軋率諸下彰明礼教陳之德義揚摧清  
濁彈枉流穢當令舉善而士高其行去惡而百城震  
肅斯其所以賦任而簡于朕心况慶賞乎若乃不祇  
厥司不虔于度網弛事荒吐茹違中公節不立私交  
是務則將墮于乃績害于尔家豈惟陵夷有疚王事  
無違于柔無復于剛無剋以傷物無寬以漏非無愆  
于酒德無盤于遊田其詳案科條夙夜無怠誠之哉  
動靜以聞

西晉武帝戒牙門勅一首

勅將者國之捍城人之障衛是以古者難其人以尔

忠壯果烈武堪偏率故授牙旗之任當敬承所稟唯命是校撫循士卒著挾纊之恩整軍齊衆立難犯之威無挑功害能無清謁受財無見利忘義無勇而為暴跼；武夫詩稱所以為義臨戎不毅春秋所以著戒尔其慎之動靜數以聞

西晉武帝戒計吏勅一首

勅頃者年穀不登朕用夙興晏寐未常能違夫陰陽不和水旱不時此朕之不德也若乃地利人事或有未盡是誰之過與郡國守相各以賢材莅官百姓不足將何以上稱朕意下濟黎庶耶諸應課田為盡力南畝不在軍休假者為皆勦力親農與父兄伯叔同

其勤勞不豪右貴戚役細人以損農作不凡如此類及逐末捨本遊食商販之徒皆人蠹患王政之所禁也二千石長吏不以此為憂朕將誰與為化掾史皆股肱本郡奉計於王朝故親喻意還各使守相知此指明察屬城對身以率之亦有申勅監司峻明其法如怠慢國憲不念恤功于人將議事制法豈任常刑而已哉可不勉與

西晉武帝戒郡國上計掾史還各告守相勅一首

勅夫興化之道有常而化成之功相背由於司牧所脩之務異也二千石剖符于外賦政千里宜直道正身以清簡為先發崇教本明慎用刑納之軌物訓之

義方除其灾害阜其財求使安土樂業而礼讓興焉  
若乃寬猛失中人散政荒交私事未釋實修名匪唯  
兹損流於百姓國有黜陟其將從之無日不顯勿謂  
不聞虚心候且聽四方之政刑其明宣詔喻旨使咸  
知朕意

宋文帝與彭城王義康勅一首

皇帝敬問彭城王禮賢下士聖人垂訓奢侈矜尚先  
哲所去豁達大度漢祖之德猜忌褊急魏武之累漢  
書稱衛青云大將軍遇士大夫以礼與小人有恩西  
門安于矯性同異關羽張飛偏任俱弊行已舉事當  
深鑒此西楚殷廣宜勤接對府舍池堂無求改作訊

獄決當擇善從之不可專意自決凡左右所陳不可  
洩漏或相讒謗勿輕信受每有此事宜善察之官爵  
賜典尤應裁量吾於左右雖曰少恩如聞外論不謂  
為非聲樂嬉遊不宜令過蒲酒漁獵一切勿為供奉  
一身皆令有度竒服異器慎不可興宜與佐吏為數  
不數則不親不親則視聽不博於言事者不得自盡  
皆急務也尔其慎諸

梁武帝與劉孝綽勅一首

吾君臨區寓於茲五載日昊劬勞亦已極矣但四方  
遐曠九重深隔離寤寐在心餐寢為慮刑政人虞無  
由悉知本非憚勤勞但困而不舉今使卿分掌州事

如前庶必共盡心力憂國如己凡事崩雖輕未累恒  
重不得謂是小爾情而不言致成後患為弊不淺時  
人多尚榮利不恤公家潤存於身則深以為念事在  
朝廷則不關懷抱此豈設官分任授受之義哉今有  
此勅宜置之坐右題之机案動止尋閱常以在懷不  
得謂為恒事旋復訛息有司直筆良史執簡至公無  
私可不勗歟

梁武帝命百官聽採勅一首

吾未明求衣夜分不寐劬勞政道於斯已極但九重  
深隔四方曠遠人政之蠹容未悉知明目遠聽屬在  
匡翼自今若近若遠動靜事要宜聞之朝廷者可知  
以採聽有所聞見隨事牒啓若一月之中都無所聞  
則每來月之朔亦啓云無事同休等感期寄斯在想  
深存憂國副其往意

隨文帝答蜀王勅書一首

省表具意我為天下父母子養黎元分命藩牧親賢  
並任欲使允黔首之望副上天之心謂汝地居臣子  
情兼家國所以康蜀要重委汝鎮之汝乃奢僭驕溢  
上慢下暴懷惡樂禍于紀亂常酷虐良家輕於草莽  
誅戮無罪毒甚豺狼唯縱邪心不憚云法諂媚附已  
則榮賞以悅情正直奉公則陰殺以滅口欺君欺父  
不子不臣乃私立關刻密防行路盜置郵驛陰訪京

師瞬眈二宮佗覲灾釁伺察內外希望艱危乃親受  
所踈離間骨肉容納不逞結構異端妄傳大風拔樹  
虛稱日鬪見血本無夭瘥乃云眼見本無天狗遂道  
耳聞或言狐不畏人來犯禁衛或言狗斬兩段更立  
而號我有小小不和汝伺覘之人即往報汝聞便有  
異志望我不起皇太子汝兄也令人遠覘心冀不祥  
假託妖言乃云不終其位妄稱鬼恠又道不得入宮  
暫向楊州即剋必厄四月統患微氣乃證鬼病難除  
自外妖訛千端萬緒汝每聞之喜形於色汝復自言  
骨相非是人臣自言德業又堪承重妄道清城出聖  
欲以已當詐稱益州見龍託言吉兆於是重述木易

之姓更修成都之宮妄說禾乃之名以當八千之運  
橫生京師妖異以澄父兄之灾妄造蜀地徵祥以符  
己身之籙汝豈不欲得國家惡也天下亂也遂懷內  
侮之心欲問罪君側豫造京師之檄成於汝手密求  
惡毒之藥驗在使人軌造白玉之斑又造白羽之箭  
文物服飾豈似有君苟欲圖之無所不至乃召集左  
道之徒信用巫蟲之說道人道士備盡妖邪咒詛名  
川皆令符書鎮歷漢王於親則弟也乃書其形像書  
其姓名縛手釘心枷鎖杻械仍云請西岳華山慈父  
聖母神兵九億萬騎收楊諒魂神閉在華山下勿令  
散蕩我之於汝親則父也復云清西岳華山神父聖

母賜為開化楊堅夫妻迴心歡喜又畫我形像縛手撮頭仍云請西岳華山神兵收楊堅魂魄魄豈有為人臣子作如此形狀今謂汝非人也我不應生非人之子謂汝是人也汝所為復不似人乃天地之所不容人倫之所未見我今不知楊諒是汝何親若是汝父母是汝何親不知楊堅之妻復是汝何親若是汝父母也汝不應如此惡逆若非汝父母也汝復何從而生我心想此事尚不忍及汝有何情頓至於此汝表云孤窮之切者汝若有父有母有孤有窮觀此行懷不似有父不似有母知有何孤知有何窮然父子君臣人倫最重汝乃君父之尊恩義並滅臣子之道愛敬

俱淪遂苞藏凶惡圖謀不軌逞臣之跡也是汝不誠希父之災以為身幸賊子之心也是汝不孝懷非分之望肆毒心於兄悖弟之行也是汝不順嫉妬於弟無惡不為滅孔懷之情也是汝不睦建國養人法令為本汝壞亂之極也是汝不畏縱其毒螫多殺不辜豺狼之暴也是汝不道剝削黎庶窮其妻子酷虐之甚也是汝不仁不務道德唯求財貨市井之業也是汝不恥違弃心理專求妖邪禳之事也是汝不肖父為基業子弗負荷不材之器也是汝自弃凡此十者滅天理逆人倫汝皆為之不祥之甚欲免以患禍長守富貴其可得乎孔子曰孝無終始而患不及者

未之有也今日於汝方復見之汝表又云乞見瓜子者豈非父子之道天性也慈愛之心難奪也欲知我及我婦在日愛念於汝如汝之愛念瓜子也但父子之道私也君臣之義公也不可以私廢公聖人之教也我上為宗廟社稷下為四海百姓故割此小愛以全大愛割此小慈以全大慈周公有言鷓鴣鷓鴣既取我子毋毀我巢此之謂也然邪臣惡子自古有之不謂今日近出於我晝夜憤歎廢寢與食實亦慙愧幽明豈直朝野而已汝若有心可思審此勅也

貞觀年中與李玄明勅一首

勅交州都督府長史李玄明文

文館詞林卷第六百九十一

貞觀年中與干乾長勅一首

勅文州都督府司馬干乾長文  
州重鎮控馭夷夏二佐之任不  
易其人遂安公壽雖是宗室迹  
親未經職務須相匡弼共行善  
道聞卿乃背公向私唯存諂媚  
非理之事動必贊成奉法之人  
即共排毀彼都督府長史李玄  
明居官清慎每存正直卿與都  
督疾之若讎計卿此情難可密  
恕但以遠道察訪恐未詳審所  
以不即加罪更令委訪卿宜自  
勉勵改往修來若此行不除必  
無縱捨之理宜知

貢舉

北齊武成帝舉士勅一首

太上皇帝勅旨設官分職唯賢  
是寄調俗恤人於斯為切自非  
在朝群彥各舉所知何以載康  
政術永隆邦化今重明薦法具  
如前件理有存焉庶可益並  
宜妙盡拔茅式諧僉議勿致差  
違自貽贓負付外便施行

隨文帝令出東曹州刺史舉人勅一首

勅某官某甲君臨天下所須者  
材苟不求材何以為化自周平  
東夏每遣搜揚彼州俊人多未  
應起或以東西舊隔情猶自踈

或以道路懸遠慮有因之假為  
辭託不肯入朝如能仕者皆得  
榮位沉伏草萊尚為前位此則  
竊目下之利忘久長之策刺史  
守令典取人情未思此理任而  
不送朕受天命四海為家關東  
關西本無差異必有材用來即  
銓叙虛心待之猶飢思食彼州  
如有仕齊七品已上官及州郡  
懸卿望縣功曹已上不問在任  
下代材幹優長堪時事者仰精  
選舉之縱未經仕官材望灼然  
雖鄉望不高人材卓異志在舉  
限或舊有聲績今實老病或經

限或舊有聲績今實老病或經  
犯贓貨枉法之罪並不在舉例  
凡所舉者公為三番具錄官歷  
家狀戶屬姓名送尚書吏部曹  
第一番二月廿五日仰身到洛  
陽受河南道行臺吏部曹進心  
第二番待裝束備辦令向京師  
受吏部曹慶公並仰正職主簿  
將典送之第三番且使在家別  
聽約勅令今舉送宜存心簡選  
送名之後朕別遣訪問若使被  
舉之人有不及不舉者罪歸於  
公等更不干餘等官司公等宜  
將朕此勅宣示於人令知朕意

此事專委於公等，必不得濫薦  
復勿使失材也。旨宣此懷，不復  
多及。

除授

北齊武成帝除崔士順散騎侍郎勅一首

太上皇帝勅旨龍驤將軍考功

郎中崔士順識懷溫正詞藝清

華入陪輿輦時談充屬可散騎

侍郎仍郎中將軍如故

北齊武成帝命婁道孫兼正貢迎陳使勅一首

太上皇帝勅旨伏波將軍侍御

史前大尉府中兵叅軍事婁道

孫理識溫敏詞藝清華迎勞遠

賓僉論斯在可兼散騎侍郎至

境道迎接陳使

北齊武成帝除潘子義持書裴謁之殿中御史勅一首  
太上皇帝勅旨隨材授任抑有  
前規通直散騎常侍判東平王  
開府中郎事潘子義往毗臺務  
功績無爽龍驤將軍檢校御史  
裴謁之怡居職事堅貞可錄攝  
官優秩僉論攸歸子義可以奉  
官領兼持書侍御史謁之可殿  
中侍御史將軍如故

北齊武成帝除源那延持書房照太守勅一首

太上皇帝勅旨持捕惡禽理憑  
誓鳥言改錯節實須利器前件  
源那延等或職業清華或矜宇

開懇隨材任使僉謂得人件授  
如右付外依式

北齊武成帝除龔瓊等太守勅一首

太上皇帝勅旨專城之寄有屬  
惟良前件龔瓊等早從任使並  
展勤績緝釐人政僉議所歸件  
授如右其有將軍品爵悉如故

北齊武成帝除盧景開太守等勅一首

太上皇帝勅旨典郡毗藩允鍾  
勤幹件盧景開等並器業明遠  
局量優通宜任以化人申其志  
力件授如右其有將軍品爵悉  
如故

北齊後主除崔孝緒等太守長史勅一首

勅旨言求人瘼寔資良守欲清  
藩政允寔元僚前行新興郡事  
崔孝緒廣州前別駕封士鴆茅  
並早涉官塗夙檀勤績專城贊  
牧義非虛屬孝緒可行并州樂  
平郡事士鴆可西汾州長史其  
有將軍品爵如故

北齊後主起復邢恕書郎勅一首

隨李德林

勅旨并省前七田郎中邢恕往  
遊建禮聲績已聞雖在艱憂義  
有攘奪可起復前官付外依行  
北齊後主除李遵茅官勅一首

隨李德林

勅旨近西戎未序來寢金谷駢  
率犬羊紫城自守前伴李遵茅

忠誠肆憤氣勇爰發橫戈揮劔  
吐叱無前賊徒乞解土宇清復  
奉軍實於和門獻醜類於麾下  
錄功行賞並宜優擢件授如右  
將軍開國防境志如故付外依  
行

此齋後奉并州沙門鏡寺勅一首

勅旨律師智審戒行精苦具此  
律儀法師法炬多解博聞方門  
咫尺文武內外送往事居仰為  
先朝伽藍肇構統理僧務寔資  
開士智審可并州沙門都維那  
无上道寺主法炬可并州沙門  
都維那无上道副寺主各將徒

衆十人仍令住寺付外依行

蘇後主降僧惠摩異州沙門都維那勅首 隨李德林

勅旨趙州劉滔寺僧惠摩夙持  
戒業弘濟為心往在東楚時逢  
邊寇藩鎮相望郵驛為梗而冒  
涉險塗屢通音信忠誠之義深  
以嘉之可冀州沙門都維那

貞觀年中授杜如晦等別檢校官勅一首

勅兵部尚書蔡圉公杜如晦刑  
部尚書永康縣公李藥師勲望  
之重情寄攸深雖成務禮闈宜  
叅掌樞秘如晦可檢校侍中藥  
師可檢校中書令

貞觀年中命房玄齡檢校禮部尚書勅一首

勅中書令邗國公房玄齡勲高  
情舊望重寄深文昌政本叅贊  
攸屬可檢校禮部尚書事

黜免

隨文帝斛石孝義等官勅一首 隨李德林

勅往年王謙作逆出師誅討上  
件石孝義等受命從軍獨諧戎  
事切成闢地是將帥之司錄功  
叙勞歸文吏之職及王師大捷  
清蕩岷嶷執筆之徒肆情誣罔  
諸是僚佐凡數十人同詳共謀  
虛相構架偷勲竊効先從已始  
自知阿曲所在矜縫軍旅之人  
雖不見賊但許論訟即入勲簿

證虛作有以少為多聚鍛貨財  
弗知紀極益部匪庶誠哉可懲  
前遭賊入已被殘吾後逢累吏  
資產更空損穢朝歎廢虧戎政  
此而可忍孰不可懷論其本心  
宜從大辟朕好生惡殺並怒其  
死孝義等在身凡有官爵悉可  
除之於益州所得賞及私受一  
物已上並即追收

隨文帝免常明官爵勅一首

李德林


勅儀同三司平原縣開國公常  
明稟性凡愚庶事無取昔在周  
代濫務朝行無以容茲不肖仍  
穢纓冕可辭儀同縣公

隨文帝免馬仲任官爵勅一首

李德林

勅上開府儀同三司太平公馬  
仲任閨門之內惟薄無辯同氣  
之倫行均鳥獸宜應潛形忍愧  
速避人間而來謁殿庭理外求  
請人而無禮固以要君有穢朝  
行宜除官爵

文館詞林卷第六百九十一



文館詞林卷第六百九十九 教四

恤亡 喪賢 賜卹 修復  
毀廢 禱祀 崇法

中書美字宜禮儀博士文館學士柱國高陽郡開國公臣許敬宗等奉

勅撰

後漢李固恤奉高令喪事教一首

宋劉義季藏枯骨教一首

宋傅亮為宋公收荊荆雍二州文武教一首

梁簡文帝祭北行戰亡將容教一首

贈賻扈玄達教一首

監護柱嵩喪教一首

瞻卹部曲喪柩教一首

梁江淹為蕭驃騎策新冢壘埋枯骸教一首

梁任昉轉送云軍士教一首

梁沈約祭故徐崔文教一首

贈留直人祖父教一首

梁王僧孺在縣祭杜西曹教一首

東晉庾翼襄荊州主者王譙教一首

梁簡文帝圖雍州賢能刺史教一首

梁簡文帝甄張景願復讎教一首

東晉王洽修太伯廟教一首

宋傅亮為宋公修復前漢諸陵教一首

為宋公修楚元王墓教一首

為宋公修張良廟教一首

梁簡文帝修理羊太傅蕭司徒碑教一首

陳沈炯為王公修相國德政碑教一首

梁江淹為蕭驃騎發徐州三五教一首

梁王筠習戰備教一首

恆奉高令喪事教一首

後漢李固

告曹侍事掾師儼及吳喜平城

牟基廡令在奉高備勅閨門教

禁施從盜賊衰息獄訟宜少興

崇經典威武無並考功效實為

郡中軍當龍表先基窮極榮壽何

意小疾乃至顛殞可痛可惜銜

絕肝心太守舉門為之流涕母

老子弱門戶卑微又今北州舊

族少立清高遺言懇惻欲令暇

白之素終始不滓故遣儼熹基

等共視喪事約勅丞掾勿妄為

非法法賻從吏車兩當令嚴事  
以時備辦聞有穀在羸虵上已  
遣吏糶當今時食勿令吏得容  
姦時既淺薄此郡尤甚儼等勞  
加惻隱動靜言

藏枯骨教一首

宋劉義季

經紀夫愆伏違節寔微謗政吾  
雖速庶側備近異規誨慮暑之  
既深人膏未已思廣消邱弥昧  
其方埋時行堊義存令典收枯  
設醢事感曹陳四境之內有委  
骨露骸毀棺頽椁為經塗所踐  
輾者可申命有司嚴加斂藏其  
宜資湏取給官物豈曰云補奠

徵杼給懷便速施行

為宋公投葬荆雍二州文武教一首 宋傅亮

經紀近二寇肆逆距捍王旅荆

雍文武並被驅逼鋒刃既交死

傷盈目罪歸元凶衆庶何辜尸

附未掩悽然給懷可告宣郊郭

有家人及親戚在此者各令收

斂若家遠外無相料理者勸右

戶給枓器時殯塵之并物色人

形標揭題識令六親尋致今天

人驛虜橫遭非命事至於此愧

悵兼懷

祭北行戰亡將客教一首 梁簡文帝

二府州國經紀吾奉命西藩擁

麾戡伐鋒臨秦汝深入殺場三  
軍之士蒙犯戈戟歲時勞止日  
月悠長或告盡災亦或身膏林  
草悼茲既往曾何可忘凡諸逝  
者可剋曰質祭庶長城之下永  
息妾骨之謠浴水之南無復零  
雨之尖雄鬼忠魂少慰原野外

即施行

贈賻扈玄達教一首

梁簡文帝

二府州經紀昔代將一言使申  
郡守之賞曹臣小節猶霑御史  
之榮况復勇邁前脩誠奮往烈  
軍主扈玄達推堅陷敵戰亡旋  
踵自出師薄伐實有厭勞殞命

鋒刃宜加孰寵可贈本郡新野  
太守賻錢一萬布廿匹時遣監  
廩外速施行

監護杜嵩喪教一首 梁簡文帝

二府州國經紀水曹參軍杜嵩  
殞命戎間甚用傷愍嵩汗馬累  
年辛勤已著此後復隨杜懷瑤  
凌危履險身杆其父致此喪命  
昔下旰旰親之難彭循衛君之  
鋒皆遺芬前史垂名後代未有  
如嵩奮袂忠孝兼舉悲懷惻愴  
不能自息可賻錢十萬布百匹  
并遣監護喪事別表申聞加以  
榮爵外即施行

瞻郵部曲喪柩教一首

梁簡文帝

二府國經紀昔射聲之營曹襄  
有掩焄之德廣漢之邑陳寵有  
收葬之仁言念轉蓬尚思故夢  
瞻斯狡菟猶憶舊丘以彼弃慈  
傷茲墜履吾出藩以來歲時淹  
積屢變寒暑頻阻寢戎今荷璽  
書得蒙收短絰東從士庶有於  
此殞命棺柩妻子不能自反者  
外可量宜瞻郵使得泓流庶龍  
沙之塵無憂於沈水鶴奔之鬼  
不勞於通夢外即施行

為蕭驃騎策新亭壘埋枯骸教一首

梁江淹

府州經紀夫河南稱慈諒由掩

對廣漢流仁實存殞朽近哀製  
茲營崇燥浚壘古墟曩燧時有  
湮移深松茂草或致刊難憑軒  
動惠巡隍增愴宜並為收斂并  
設薄祀主局詳辨施行

轉送壬軍士教一首

梁任昉

府州圍經紀隆死甄節著自周  
經加等明陳之魯冊述獫狁侵  
邊鋒鏑關甸元戎砮伐胡馬北  
徂今春所上人丁將吏身殞戰  
場或命難災疾贍言翔野良以  
愴情可使泓流分明標塵即付  
所瞻迎致還本餘孤遺老宜存  
拯異其將吏在軍身經戰陣薄

有尤劓者賜之綬假

祭故徐崔文教一首

梁沈約

經紀貴邦冠衣不少有士如林  
劉鄭傳駱之家棲留徐揚之族  
雖晚運彫疏不達疇往而餘風  
未改舊俗猶存徒以邦校齊秦  
私引蓋闕致雍業淪喪勸募靡

因斑白懷道發憤於鄉曲後進  
希風宜聞於閭閻太守譟忝朝  
私分竹斯境誠學不專經牘面  
邦國勸厲之志獨盈懷抱方欲  
開飾庠宇招置生徒延茲舊學  
授以章句庶郵魯之風重興巴  
蜀之化可勉郡前孝廉太未徐

崔文結髮從師華首未倦詳洽  
之功有譽邦邑故屈慙學務俾  
訓後昆曾未云幾奄然長謝本  
懷不遂愴恨兼情及其在殯可  
遣薄醑樓切曹材思斐然柳惟  
材子并為祭文用申往意

贈留真人祖文教一首

梁沈約

經紀昔秦王慕道三山之使相  
望漢帝希靈五岳之巡不輟故  
能使韓衆羽化西母來儀神迹  
景蔚可得而言也貴郡區寓秀  
邈含竒隱異鴻軒接軫鶴駕成  
群金華東山留真人誕鍾靈性  
獨悟懷抱日飲霞食卅餘載假

形劍林蛟景登雲敬想微塵翹  
仰弥結真人門基緒曹此邦冠  
冕而祖禰栖遲榮命不及言念  
追遠增懷無已若夫未穆私謚  
尚允昔談潘喜追旌寔惟舊典  
可贈真人祖功曹史父孝廉庶  
厥幽靈薄尉上隴

在縣祭杜西曹教一首

梁王僧孺

夫駟歸丹青猶懷之於万古况  
吟豪竹欲先之於千載况其鄉  
可踐其道不亡杜生者實南國  
之後人東山之異士造次宣達  
被服仁義五業必談六行無缺  
靜焉虛室緇塵莫得而干澹然

飄泊鄙競於何可入其昔因負  
芟聊示禪冠暫解下士來遊上  
困吾亦諸生從師問道始遇劉  
先生之室未華何徵君之園耕  
闕精廬慙勤橫舍疊々清論匪  
辰伊夕灼々高文自篇成卷聚  
散不恒一然為別吾從祿南障  
彼亦返東臯一聞山川多阻音  
訊謂仁者壽而此子不追塗阻  
且遙瞻赴事隔常恐素車不駕  
宿草已蕪忽以不材懷印茲壤  
下車望境不覺涕之無從聊欲  
申其薄祭以薦故友胸笥已備  
蘋潦可辨明便宿春蓐食指告

墓田即可命彼舟人獲艚造邁

褒荊州主者王謙教一首 東晉庾翼

夫編名朝錄執笏為吏誠應潔  
已奉時以致忠節而未俗偷薄  
貪濁者衆雖罪黜相尋而莫之  
改也兵曹書佐王謙近得區閑

賕貽而能公言不受雖臣下之  
體不可不然然在事者多復不  
能尔以人相望令人嘉之經紀  
宜共甄識至於勞滿叙之令超  
也用意如此理當清貧清貧之  
錫所以厲不清也可賜布三十

匹

圖雍州賢能刺史教一首

梁簡文帝

十五

二府州國經紀古之所謂死而  
不朽者其唯令名字故冀州表  
朱穆之象太丘有陳寔之畫田  
子玄碑高樹汝南之右王生虛  
廟猶在雒邑之傍自嶠渭上墟  
脩都堙穢迴照興井劃雍根起  
晉建興之初迄齊永明之末此  
土州將寔為不少或有留愛前  
口或有傳芳史藉或武猛紛紜  
或風流名望宜其寫彼丹青長  
為准的昔越王銘金尚思范蠡  
漢君漆畫猶憶高彭矧彼前賢  
寧忘景慕可並圖象聽事以旌

厥善庶以諭茲琴海辟彼高木  
王者即施行稱吾此意

甄張景顛復讎教一首

梁簡文帝

二府州國經紀夫理感禽魚道  
均荆棘亦有鄉因行改江以孝  
移廣平太守祭天起際送陰縣

安樂村張景顛自縛到郡列稱  
父以天監七年為陰成村婁法  
所殺尔時年始八歲從來恒加  
伺捕不相逢遇以今月九日於  
公田渚斬法級祭墓訖東身歸  
官昔沂澤撫劍河南執戟遠符  
古義實足可喜防廣刃讎救其

桎梏之罪丁蘭雪恥擢以大夫  
之位可原顛罪下屬長獨其一  
戶租課以旌孝烈并上尚書外  
速宣下

修太伯廟教一首

東晉王洽

太伯既至德高讓風流千載加  
端委垂化真所謂大造千吳而  
儀形所殆同送旅殊非所以崇  
禮賢達禁訓後昆之謂使可籌  
量脩謹使有常制

為宋公修復前漢諸陵教一首

宋傅亮

經紀夫信陵之墳守衛無曠展  
季之隴樵蘇有刑彼匹夫懷道

列國陪隸猶見禮異代取貴隣  
邦漢高撥亂及政大造區宇道  
極橫流功高百代盛德之烈義  
在不泯是以大晉之初尊禮三  
恪而喪亂遐緬與時湮替山陽  
不祀陵塋蕞蕪願瞻北原情兼  
九京長陵可復十家其餘十陵  
可各復三家並即近陵居人長  
給洒掃王者申下施行

為宋公修楚元王墓教一首

宋傅亮

經紀夫哀賢崇德千祀稱先尊  
本敬始義高自遠楚元王積仁  
基德昭藩斯境素風遺業作範  
後昆本枝之祚實隆鄙宗遺芳

餘烈奮乎百代而止封沆翳墳  
塋莫翦感遠存往慨焉永懷夫  
愛人懷樹甘棠且猶勿翦遐堙  
甄墓信陵尚或不泯況所缺興  
開源自本者乎可蠲復近墓五  
家長給灑掃便下施行

為宋公修張良廟教一首

宋傅亮

經紀夫盛德不泯義存祀典微  
管之歎撫事祿深張子房道亞  
黃中照隣殆庶風雲玄感蔚為  
帝師表項定漢大極橫流固已  
叅軌伊望冠德如仁若乃神文  
地上道輟高洛顯默之際窈然  
難究源流冲浩莫測其端矣塗

難究源流冲浩莫測其端矣塗  
次舊沛仁駕留城靈廟荒頽遺  
象陳昧撫事懷人永歎寔深過  
太梁者或仁想於夷門遊九京  
者亦流連於隨會擬之若人亦  
足以云可改掛棟脩飾丹青  
蘋蘩行潦致薦以時梓懷古之  
情存不刊之烈士者施行

修理羊太傅蕭司徒碑教一首

梁簡文帝

國經紀吾比維舟渚涯亟登南

峴晉太傅鉅平侯齊司徒昭王

二碑舊經有屋傾椽蕪穢略不

復脩並曩歲名賢前代良牧頌

聲猶在留像尚存豈心裁謙鶴

獨記黃武可遣國常侍庾信依  
先構立庶令冠蓋之傍有踰七  
尉之軌高車之嶺無慙四皓之  
碑

為王公修相國德政碑教一首

陳沈炯

教府州甘棠不翦取茂邵南之  
風峴山常存實間對子之德相  
國殿下地居不賤道濟生靈昔  
因求瘼建旌匡蠡人德歸厚作  
教在寬麟趾增哥中和屬詠翠  
石生金刊同龔鼎玄龜負字勒  
比盤孟戎韜憑陵飲馬江派城  
寺煨焚廬井夷滅唯百姓所立  
殿下德政碑巋然獨在此所謂

道高北極德固南山百靈扶持  
萬歲遐祉頌奉休風誰不載躍  
外可即開掃脩飾營造屋觀當  
使揚備辨察常識好碑玉祭經  
過不逢缺字式展人心用旌萬  
壽慮施行

黜故江州刺史王敦像贊教一首 東晉庾亮

經紀圖像所以表其形容而昭  
其事跡若乃德為物宗功施於  
人圖之可也詠之可也豈歷官  
服事便儀之不朽邪是亂大從  
而善惡無章矣王敦始者以朗  
素致稱遂釐可人之名然其晚

節晉賊也猶漢公之與王莽耳  
闔棺之惡固以暴於天下而乃  
圖其像貌著之銘贊言何所述  
義何所依且吾豈與賊臣之像  
同堂而處乎便下毀之以為鑒  
式

慶袁真像教一首

東晉劉瑾

經紀夫圖像之興有自來矣大  
小雖殊理存德義未有肆其詠  
而非其人者也袁真獲罪天朝  
身陷斲棺之責猶與衆賢列圖  
垂之不朽所謂大盜居正豈可  
余邪舉目矚對心所不諭貴邦  
諸人脫未之思耳昔王火將軍

置亦莫大庾太尉往臨貴州  
除其像讚雅裁坦然是百代之  
高准也幸速廢之以乞大體

祀胡毋先生教一首

後漢李固

告曹禮記曰夫聖王之制祠也  
法施於人則祀之以勞定國則

祀之昔堯遭洪水人處巢窟禹  
平水土附祀于河奔裡嘉穀託

祀于稷斯所謂以勞定國者也  
自宣尼沒七十子亡經義乖散  
秦復火之然胡毋子都稟天淳  
和沉淪大道深演聖人之旨始

為春秋制造章句是故嚴顏有

所祖述徵徵後生得以先砧斯  
所謂法施於人者也故宣尼豫  
表之日胡毋生知時情匿書自  
藏不敢有聲董仲舒亦稱吳楚  
之王勢為南面然而弃仁捐義  
背本畔帝故名為小人實為刑  
戮甚可著也胡毋子都賤為布  
衣貧為匹夫然而樂義好禮正  
行至死故天下尊其身而俗慕  
其聲甚可榮也太守以不材嘗  
學春秋胡毋章句每讀其書思  
覩其人 不意千載來臨此邦是  
乃太守之先師又法施於人禮  
宜有祀 今月甲子祀胡毋先生

五官掾奉謁齋稻梁各三升豚  
一頭薦神坐前務加祫肅二月  
八月報求之時曰社餘福以為  
常

祠司徒安陸王教一首 梁簡文帝

國經紀昔然明著績留武威之  
祀少長良守鶴桂陽之碣亦有  
文獻醑料寶之奠平南式鴉子  
之墳齋故侍中司徒安陸昭王

昔撫茲藩神明其政年歲未淹  
遺愛不息今者結纜釣臺臙舟  
華峴遙觀高碑前瞻靈廟臭味

敬

已深欽風斯在外可具彼蘋克  
明祭謁庶令臨淄惠隴不獨高

於秦令高陽酈生豈孤擅於曹  
文

與僧正教一首

梁簡文帝

此州伽藍支提某列雖多設莊  
嚴盛備供具觀其外跡雖備華  
侈在乎意地實有未私何者凡

鑄金刻玉鏤漆圖瓦蓋所以仰  
傳應身遠注靈覺羨龍瓶之始

晨追鶴林之餘暮故祭神如在

敬神之道既極去聖茲遠懷聖

之理必深此土諸茅止乎應生

之日則暨列刑像自斯已後封

以篋笥乃至十尊五聖共處一

厨或大士如來俱藏一匱信可  
謂心與事背貌是情非增上意  
多精進心少昔塔裏紅函止傳  
舍利鷹頭白傘非謂全身夫以  
畫像追陳尚使吏人識敬鎔金  
圖範終令越主懷思匹以龍阿  
尚能躍鞞方之歟究猶稱出匣  
况復最大慈父無上善聚聞名  
去煩見形入道而可憐此雕香  
蘊斯木蜜絨匿玉豪封印金掌  
既殊羅閱久入四天又異祇洹  
掩戶三月寶殿空臨瓊階虛敞  
書帷不開非仲舒之曲學絳綈  
長掩似邠卿之避讎且廣夏雲

垂崇堯鳥跂若施之玉坐飾以  
金鈿必不塵靄輪姿虧照月面  
瑠離密窓自可輕風難入龍璣  
細網足使飛鸞不過兼得虔敬  
之理必崇接足之心祇重可即  
懷詳審永使准行

無專會一首

梁蕭綸

僚紀大事廣濟義非為已導引  
群生種之方便所以虛已樂靜  
表之內經確乎難拔者自外典  
又加獨往斯意足論隱不隔真  
乃為菩薩廬山東林寺禪房智  
表法師德稱僧像實号人龍懷  
道守素多歷年所不為事屈不

為時申上下無常一相無相遂  
能捨彼嗜聞來遊垢濁興言一  
面定文杆曰余以薄德謬臨大  
邦教義未聞貴賢愍至首綺季  
之出漢年揆許之興唐日茲迺  
聖主流慈天澤傍被異人間出  
復在此辰不勝舞蹈帝之恩普  
也剋今日十日於西賢寺設無  
尋會并致教開士躬諮勝福下  
筵食道凡厥萌穉爰及庶士因  
不率從咸皆請業上咨乾茲永  
回彼岸外依事宣行  
造立騰賈觀教一首  
梁王筠

教此境雖靈岳駢羅仙隱攸集

而郭內城傍了無基館靖言在  
懷常以於邑知城西寺東地惟  
爽塏朝市相望而即目林阜聚  
落非遠幸絕踞塵此實勝地便  
可依止其臺堂所須工力資費  
今宣告同好庶不日而成讚揚  
勸化請自余始并製名騰霄別  
事聞奏前脩理臨海先化館事  
已畢切亦併騰述言上

為武陵王府州上禮迴為法會教首

梁蕭子暉

府州閣下一日具僚以吾下車  
甫余酒醴通意既同落室之飲  
有類肩壽之觴前後因循推而  
不納吾以獻饗之禮眼耳交通

酒酌之懽，寡卑道接。爰命所由，  
無棄介志。當選良辰，申茲樂飲。  
但踰饒載笑，未若倡頌之一聞。  
血膏揚烟，不如塗未之慙。起今  
欲化牛為大車之果，變酒為甘  
露之因。米勳伽陀，滿足八斛物  
我兼利。不其善歟，外可詳設法  
會并屏僧徒，庶欲少返放麈載  
爾仁祀

三日賦詩教一首

梁簡文帝

二府州經紀，今氣序韶明。風雲  
調謐，豈直洛格嘉宴。金谷可遊，  
景落興。逍舞雩斯在，咸可賦詩。

北征教一首

東晉庾翼

主薄夫兵家之興不出三葉豈  
不以其器本不祥動遶行正之  
所致哉遠尋先代曹孫諸君並  
以英材挺生之量或乘運而起  
或扶義而興並功隆海內惠濟  
蒼生而嗣裁三四歷年數十况  
此胡羯本非人類豈因否利豕  
縱中原窮凶極虐古今未有僭  
肆迄今將跨四紀豈此寇之無  
斃此道之可久哉蓋由江東屢  
夕內故違恤蕭牆遵養歷業義  
旗未建故使應云之寇顛滅無  
由向愼之人忠本路塞耳自李

龍代勒猜害滋甚腹心枝幹自  
相殘戮窮力恃戰屢夕奔北豈  
非姦略轉衷凶威漸屈故邪且  
仰觀天文表謹於上俯察人事  
離弃於下之明皇祚之方隆寇  
命之日替吾雖不武屬當斯會  
寔安榮寵豈其素志恭行天罰  
非今而何是以間為備豫今粗  
尅并潛命方鎮期契亦集便今  
日建牙發命要與所統文武士  
庶振王威於山北顯義征於趙  
魏遇可降而納之遭可討而伐  
之異連誅之猾虜必授首於俎  
鐘皇晉之遺黎復覩陽曜於更

始諸曹其各隨圖部分無令臨  
事一物有闕其速宣示諸佐咸  
使聞知

試嚴教一首

宋孝武帝

先帝道合二儀澤濟倉生恩之  
所洽異俗草面何圖天禍橫流  
變生冢嗣賊劫狂忍躬行弑逆  
寃酷之深古今無二叩心崩號  
泣血尸存吾奉承大諱便就纂  
勒志梟凶醜以雪恥責文武將  
帥受恩自昔莫不枕戈奮樂飲  
淚待旦又奉司徒告神謨英略  
赫然大号徵甲數州駱驛在路  
并臧冠軍疏忠烈亮到協茲義

師荆雍連兵水陸爭奮幽顯協  
契人神同憤以此討逆義踰拾  
遺兵貴神速去惡宜疾況在今  
日痛酷兼常可遣冠軍將軍詔  
議領中直兵柳元景率精銳三  
萬風馳先邁輔國將軍諮議領  
中直兵宗慈提勁捍二萬以相

係接征虜將軍司馬武昌內史  
沉慶之統勒五萬言次路吾  
當惣領大衆躬御我旗便可內  
外式嚴星速備辦仰憑社稷之  
靈府乘送順之數屠膾元凶矯  
之為期使仇恥獲申展哀陵寢  
雖死之日猶生之年臨紙踴踊

肝心寸裂

為宋公試嚴教一首

宋傅亮

經紀自我狄擅命跨制中畿圍  
陵幽淪情敬地隔先王舊墟翦  
為沙漠或人謀未集或時不可  
封故令殊類荐居百年相襲廟  
堂之筭十紀無成吾忝大任志  
在清一而屬逢多故靡有寧歲  
每懷遐慨無忘遠圖今內難告  
夷四疆清晏暫戎繕器俟命而  
動得樂仲子申季應籤姚興審  
死支黨離貳子姪尋戎自相吞  
噬司雍駭擾遺黎倒懸此否終  
之期蕩定日也時來有會赴機

宜疾今上表大舉指期進討便  
可尅日誡嚴諸所備辦隨局申  
攝速施行

為大司馬作北征教一首 宋范泰

閣下京洛止壘園陵幽隔緬感  
遐慨何日忘懷太尉允迪神武  
志一六合家國之恥於是乎雪

吾傲若時之會何宜宴安榮寵  
今便抗表求行以申誠節隨局  
備辦勿令稽後

北路教一首 梁簡文帝

二府州國經紀昔曹彰衛霍之  
言祖逖臨江之誓亦有稜威細  
柳勒石燕峰吾自受脤西河出

車薄伐雖金城降虜日聞款附  
而玉門多壘憂責尚深穰城餘  
寇久應殲拔諸將按兵不能應  
定猶令羽書入塞燿火出關未  
靜遊魂久勞探甲吾今便趨率  
麾下一舉掃定假節驍勇將軍  
竟陵太守軍主魚弘率彼勁卒  
浴鐵鷗騎精勇五千直衝城下  
皆樓煩命中待詔射聲之使羽  
飲石梁鏃折天柱假節壯武將  
軍軍主左文敗鐵騎三千隨機  
伏截必使問事之杖廢其詭謀  
射助之權寢其毒路假節雄烈  
將軍隨郡太守軍主席宗範等

拔犀揭石之勇，擐旗斬將之雄。  
馬步三千，遙趣朝水。風烈將軍，  
洛州刺史。北上洛太，守揚傑精。  
甲銳兵飛，馳應起縱。星艦之輕，  
棹逐粉水之安。流舟師二千，呼  
吸便至。武猛將軍曹幹，渚宮勁  
卒。陝西武旅二萬，精兵駱驛相  
繼折衝。凌險所向，無前先鋒。將  
軍典籤，軍主茹曇等，精甲三萬。  
或爪牙權勇，或謀猷帷幄。風烈  
將軍記室，參軍陸暉等，並參持  
禁戒。展采聯事，雍容文雅。戴筆  
從軍，帳內蒼光。銳甲三萬，憤氣  
含雄。奮威雷動，鷄視鷹峙。歎盼

龍驤絳旌拂天霜戈動日願躬  
則生雷電叱咤則起風雲以此  
攻城何慮不尅以此衆戰誰能  
拒之王洪羆竄伏窮壘偷生假  
命欲固巢窟其可得乎鎮朔將  
軍長史襄陽太守柳津威惠兼  
宣士馬元威可留知後事鎮守  
州城便剋今月廿一日內外戒  
嚴行留處分每令精速若大軍  
近次洪羆即能送款輸誠釋縛  
焚觀私之漏網男女小大一無  
所裁如其守迷不及並同城掠  
外速施行

為蕭驃騎發徐州三五教一首 梁江淹

府州經紀沉攸之背慢雲控稽  
誅之日久矣况今稱兵江漢之  
上圖豐廟闕之下怨熾罪盈人  
靈所絕朝廷已克辰纂嚴金輿  
夙駕吾任先責速義兼常慨挺  
刃投袂信見其時方當水斬龍  
舟陸斷犀光雖烈士銜志壯夫  
投檠然雲羅既舒宜廣威防所  
統郡縣便普三五咸依舊格以  
赴戎塵主局飛火施行

習戰備教一首

梁玉筠

教經紀墨翟斷趾意在寧未申  
骨流泣義存救楚何則父母之  
鄉其事兼重桑梓敬恭斯情實

切須歲叢尔蠢類寇掠公行侵軼郊疆憑陵城邑大則係虜妻孥細則掠棄貲產流離絕域生分天地其為恥痛難以寄言而此境百姓曾無憤激論情語事失之已遠今宜公私勑力務存靈濟義防既已降旨便應依事施行書云不教人戰是謂弃之又云兵不素習不可以戰便宜將率義勇以時教習使里閭鄉黨皆有武備士庶童耆人懷戰心則小寇餘孽望風自弭矣主曹詳旨施行



經籍訪古志

文館詞林叢本十卷 弘仁十四年鈔卷子本

見存百五十八四百五十二四百五十三四百五十九六百六十二  
六百六十四六百六十八六百九十一六百九十五六百九十九凡十卷  
首題文館詞林卷第四百五十二碑卅二百官廿二次行署中書  
令太子賓客監修國史弘文館學士上柱國高陽郡開國公  
臣許敬宗等奉敕撰次行題將軍二載目錄界長六寸七  
分幅七分每行字數不整筆力沈道卷末記云校書殿寫弘  
仁十四年歲次癸卯二月為冷然院書捺冷然院印嵯峨院印  
二印按唐會要云顯慶三年十月二日許敬宗修文館詞林  
一千卷上之見在書目舊新唐志所載卷數皆同此本依  
跋文攷之弘仁中奉敕書寫置之冷然院冷然院乃儲御書處

貞觀十七年罹災秘閣收藏圖籍文書悉為灰燼事見三

代實錄後以然字從火改用泉字

見拾芥鈔引  
天麻御記

而是書得免

災僅存者意當時從上皇在嵯峨離宮故未捺冷然嵯峨二

印卷散在諸處高野山所藏尤多

現存二十餘卷  
一云十六卷

憾未得盡

窺之昔時僧齋然入宋話及我之書內有文館詞林時人不

知其目以館作觀且誤謂皇朝人所著

事見宋朝類苑  
引楊億語

知是

書在宋初已失傳則雖零卷殘軸所存不多實可寶重矣文

化中迷齋林君得此書零本收於佚存叢書中近日孫星

衍續古文苑阮元四庫未收書提要皆援引之則已播西土

但其所傳僅四卷不及其他是亦可憾耳

按弘仁十四年唐穆宗  
之長慶三年貞觀十

七年唐穆宗之  
乾符二年也

先是日本文化中林述齋刻逸存叢書收文館詞林四卷中土驚爲祕笈及余東來見森立之訪古志所載又有溢出此四卷之外者六卷因據以蹤跡之則又溢出於訪古志之外者九卷除林氏已刻之四卷及第三百四十八之馬融廣成頌餘十四卷今星使黎公盡以付之梓人其大字疏行者係小島尚質從原本摹出其小字密行者則傳鈔本也中間不無奪文壞字覽者當自得之阮文達據唐會要垂拱二年于文館詞林內采其詞涉規試者勤成五十卷賜新羅國王因謂當時頒賜屬國之本原非足冊今攷藤原佐世見在書目有文館詞林一千卷又源順倭名

類聚鈔序云文館詞林一百秩則彼國所得實爲足本今校其所存各卷門類繁多不盡規試之辭且第六百六十五卷後有儀鳳二年書手李神福寫字樣是更在垂拱以前其非刪節之本無疑余按宋太平興國中輯文苑英華收羅至博而此書不見采錄故崇文總目僅載文館詞林彈事四卷宋史藝文志僅載文館詞林詩一卷是皆零殘之遺若其全書則已爲北宋人所不見通志畧載文館詞林一千卷僅據唐志入錄實未見原書此十四卷中雖略有見於史書文選及本集者而其不傳者十居八九可不謂希世珍乎刻成後柏木政矩復貽目錄一紙據稱是嘉永間小林辰所訪通計其國

尚存三十卷至今有存於淺草文庫者有存於西京大覺寺者皆不易傳錄故今附刻其目以俟後之人焉光緒甲申二月宜都楊守敬記

小林辰所得元祿間鈔本文館詞林目錄

卷一百五十二 西京大覺寺影鈔本

卷一百五十六 西京大覺寺影鈔本

卷一百五十七 西京大覺寺影鈔本

卷一百五十八 西京大覺寺影鈔本

卷一百六十 西京大覺寺影鈔本

卷三百三十八 未詳所在

卷三百四十六 西京大覺寺影鈔本

卷三百四十七 西京大覺寺影鈔本

卷三百四十八 西京大覺寺影鈔本

卷四百一十四 西京大覺寺影鈔本

卷四百五十二 西京大覺寺影鈔本

卷四百五十三 西京大覺寺影鈔本

卷四百五十五 西京大覺寺影鈔本

卷四百五十七 西京大覺寺影鈔本

卷四百五十九 西京大覺寺影鈔本

卷五百七 西京大覺寺影鈔本

卷五百七 西京大覺寺影鈔本

卷五百七 西京大覺寺影鈔本

卷六百五十五 未詳所在

卷六百六十二 原本柏木探古書  
藏已見佚存叢書

卷六百六十四 原本柏木探古書  
藏已見佚存叢書

卷六百六十五 木村觀齋所藏元祿縮寫本  
又西京大覺寺撰刻數葉

卷六百六十六 原本藏高野山古  
寺罹火今已刻

卷六百六十七 原本未詳所在  
今已刻

卷六百六十八 原本見木探古書  
藏已見佚存叢書

卷六百六十九 西京大覺寺影鈔本  
村觀齋所藏元祿縮寫本

卷六百七十 西京大覺寺影鈔本  
草文庫縮寫本又刻

卷六百九十一 西京大覺寺影鈔本  
影鈔本又淺草文庫縮寫本

卷六百九十三 未詳所在

卷六百九十五 原本稱津國勝福寺所藏又木村  
藏元祿縮寫本已見佚存

卷六百九十九 西京大覺寺影鈔本  
影鈔本又木村觀齋所藏元祿縮

卷名未詳殘簡 已寫本  
今

後梁大覺寺影鈔本  
此卷現存自  
侍飲中表凡三首加

07704

文館詞林

跋尾



